

*Racc. Villarosa A. 122*

# SYNODVS DIOECESANA

NEAPOLITANA,

AB EMINENTISS. AC REVERENDISS.

DOMINO D. INNICO

MISERATIONE DIVINA

TITVLI S. CLEMENTIS PRESBYTERO

CARDINALI CARACCIOLO

ARCHIEPISCOPO NEAPOLITANO

In Metropolitana Ecclesia tribus festiuis die-  
bus Sanctissimæ Pentecostes

9. 10. & 11. Iunij.

Anno Sal. Hum. M. DC. LXIX.

Celebrata.




ROMAE, Ex Typogr. Reu. Camera Apost. 1669.

1409697

Received 15 August 2005

I N A C T A  
SYNODI DIOECESANAE  
N E A P O L I T A N Æ

P R O Æ M I V M.



**P**rima Diœcesana Synodo ab Eminentiss.  
ac Reuerendis. Dño D. INNICO CAR-  
DINALI CARACCIOLO, Archiepi-  
scopo Neapolitano, faustè, ac feliciter,  
Deo adiuvante, celebrata, vt ne, quæ plurima san-  
ctissimè decreta in ea fuerunt, ignorari à plurimis  
contingeret, oportuit implere hanc quoque pagi-  
nam, & eiusdem Synodi acta, typis impressa, pro  
tota Diœcesi vulgare. enim uerò hinc singuli de suo  
officio, ac nomine abundè moniti, si tamen tales se  
aliquando, quales sua ipsorum vitæ ratio postulat,  
non præstiterint: neque propriam excusare ignoran-  
tiam, neque alienam incuriam poterunt accusare.  
quanquam, cum leges cognitione uiuant, & pu-  
blico, non poterat sanè Synodalibus hisce statutis  
consuli congruentiùs, quàm si vniuscuiusque oculo-  
lis, ac toti in perpetuum posteritati in lucem bonam  
edita obijcerentur: quod ipsum & proborum ho-  
minum obseruantia gratum, & improborum licen-  
tia accidet opportunum, rescientibus alteris, quod

exequi velint : alteris, quod violare non possint. Sed  
quò distinctius procedat narratio ista, libet, omnem  
quadripertitò diuidere : sic vt principiò quæ ante  
Synodum acta, tum quæ acta singillatim vno quoq;  
die, videlicet quæ primo primùm, deinde, quæ se-  
cundo, demum, quæ tertio ( nam triduo tota Syno-  
dus peracta est ) ex ordine referantur. Et sanè sicu-  
bi aliàs, in referendis maximè Synodorum gestis  
spectanda est non syncera modò, sed etiam cumu-  
lata narratio : vt quæ in alio loco tanquam vulgaria,  
ac minimis minora præterirentur, in hoc eadem  
accurare decet tanquam vtilia, & oppidò necessa-  
ria : ne forte quis existimet, minus roboris inesse,  
ijs actionibus, quas non videt cum iuris solennitati-  
bus, & de præscripta forma fuisse confectas : quocir-  
ca operæ fuit, etsi per compendium, omnia tamen  
scribere, ac narrare fidelissimè singula, quæ aut ip-  
sa, aut non sine ipsis alia cognoscere oporteret. igitur  
ad propositum veniamus,

## ACTA ANTE SYNODVM.

**P**rimùm omnium quo ipso die Saluatoris nostri recens nati Epiphania colitur, inter eius festi solennia sacrificia, denunciata multo ante in Ecclesia Metropolitana Synodus est, decretumque pro ea celebranda Paschale tempus. Deinde cum ferme mensis superaret, indistus est certior dies, aliaque de more significata, misso, vt fit, per Verbum, ac Dioecesim circa omnem in hoc exemplar edicto.

Edictum pro conuocanda Dioecesana Synodo.

In nomine Sanctæ, & Indiuiduæ Trinitatis Patris,  
& Filij, & Spiritus sancti.

*INNICVS MISERATIONE DIVINA TITVLI  
SANCTI CLEMENTIS S. R. E. Presbyter Car-  
dinalis Caracciolus Archiepiscopus Neapolitanus.*

Omnibus, & singulis Christifidelibus Ciuitatis, &  
Dioecesis nostræ Neapolitanæ salutem  
in Domino.

**V**igilantes in agri dominici cultura, & quoad fieri potest, cauentes, ne bonum semen diuino sanguine sæcundatum superfeminatis in medio zizanij inimicus homo, hoc est, hominum implacabilis hostis Diabolus sueta fraude corrumpat, nihil cure, nihil laboris prætermissum volumus, quod ad Dei cultum, ad Ecclesiæ dignitatem, ad Cleri, populi que disciplinam fouendam, augendamque facere videatur. quamobrem statim, ac miseratione diuina Archiepiscopale munus aggressi fuimus, omnem sollicitudinem nostram huc aduertimus, ne summi Agricole, Patris nempe celestis, iustam indignationem otiosi in eius vinea, operarij incurreremus. Cumque diuina, humanaque auctoritate conser,

morum emendationem, amplificationēque christianæ pietatis nulla efficaciōri arte obtineri, quā coactō de perue-  
tusto Apostolorum more concilio seniorum, in quibus ze-  
lus domus Dei, & salutis proximorum ardor eluceat, sta-  
tuimus idcirco in hoc velut exordio nostri Præfatus post  
visitationem totius Diocesis ritè peractam secundū mo-  
rem, ac modum à sacrosancta Tridentina Synodo præscrip-  
tum primam hanc nostram Synodum Diocesanam Deo a-  
djuuante celebrare. & quamvis Prædecessores nostri iteratis  
huiusmodi particularibus Concilijs, ac Synodis multa pro  
rei dignitate, ac necessitate sanctissimè decreuerint; tamen  
cum semper iuxta Saluatoris verbum necesse sit scandala,  
venire, neque vnquam satis humana possit nequitia expu-  
gnari, par est, nos quoque in idem incumbere, & salutare  
negotium impigrè ab illis susceptum pari mentis ardore pro-  
mouere. Igitur vocato Dei Omnipotentis auxilio, tū Bea-  
tissimæ Virginis Mariæ, Diui Ianuarij, præcipui Vrbis, Re-  
gnique Neapolitani Patroni, atque omnium Sanctorum in-  
tercessione exorata, primam Diocesanam Synodum indici-  
mus, & in hanc nostram Metropolitanam Ecclesiam conuo-  
camus. Vt autem omnibus, & singulis, qui possunt, ac de-  
bent iure, aut consuetudine interesse, comperta, & explora-  
ta sit nostra hæc indictio, neue aliquis possit excusare igno-  
rantiam, aut contemptum, despectumque se dicere, vniuer-  
sis, ac singulis, ad quos spectat interuentus, præsentī Edicto  
consuetis in locis multo ante publicè proposito, hanc ipsam  
voluntatem nostram significamus, indicimus, denuncia-  
mus, mandantes in virtute sanctæ Obedientiæ sub poenis ca-  
nonico iure sancitis, vt omnes, ac singuli, ad quos spectat,  
die nona Iunij huius ipsius anni in præsentī dicta Ecclesia,  
Matrice hora vndecima per se, non per alios ipsorum nomi-  
ne ( nisi legitima causa à Nobis examinanda, & probanda  
impediat ) cum honesto clericali habitu, & superpelliceis  
mundis ad Synodum celebrandam maturi conueniant. Inter-  
ea monemus, vt post indictā, promulgatāque hanc Synodū  
in omnibus Ciuitatis, ac Diocesis nostræ Ecclesijs Parochiali-  
bus, quoad ipsa Synodus absoluta fuerit, Missa de Spiritu sã-  
cto, vel saltem Oratio, si solennitas occurrentis feiti prohi-  
beat, dicatur: & fiant ex animo preces ad impetrandum à  
Deo auxilium opportunum pro bono Synodaliū tractatio-  
num

num successu. In quarum rerum fidem has literas manu nostra signatas per Magistrum Actorum confici, sigilloque nostro muniri. & promulgari, nostræque Metropolitanæ, & Parochialium maiorum valuis publicè affigi iussimus: quam affixionem eam vim habere volumus, ac si ipsis singulis, quorum interest, illæ allatæ, ac denunciatæ essent. Datum ex Palatio nostro Archiepiscopali die 6, Maij 1669.

*Innicus Cardinalis Caracciolus Archiepiscopus  
Neapolitanus.*

**I**Nterea iussu Eminentiss. sessiones plurimæ à Theologis viris sunt habitæ, in quibus synodaliū tractationum, capita disputabantur, primū privatim inter ipsos, tum coram eodem Eminentiss., qui ampliū Parochos omnes pro vna certa die maturè aduocauit, dicturos coram, si quæ haberent digna, vt eorum in Synodali conuentu ratio haberetur. Supra tamen omnia curatum est hoc ipso tempore, vt nimirum diuina S. Spiritus gratia inter publica sacrificia, aliasque priuatas preces ad Synodi successum crebrò in Ecclesijs Parochialibus inuocaretur. quin etiam istuc ipsum per circulares literas Regularibus, ac Monialibus omnibus impensè commendatum: vt sic precibus, & precatoribus multis in vnum collatis largior, vberiorquè diuina miseratio descendèret. Postremò cum iustum Synodi tempus appeteret, octo ante diebus in Ecclesia Metropolitana post cantatum solennis Missæ Euangelium ab Hebdomadario cum pluuiali instans post octiduum Synodus promulgata est: statimque post fixæ per urbem sunt extremæ monitiones instantis Synodi, & in his rursum dies, hora, locus, externusque conueniendi habitus de more præscriptus.

## ACTA PRIMO DIE SYNODI.

**P**rimus Synodi dies in primum diem Sanctissimæ Pentecostes auspiciatò incidit, ergo hora constituta deductus à Canonicis Ecclesiæ Metropolitanæ sequentibus, & reliquo Synodali Clero præcedente Eminentissimus est ad eandem Metropolitanam, ubi ante omnia Pontificalem missam cum pompa, & choro musico respondente, cantauit. tum sacris peractis pluuiæ induit, & Primicerio, ac duobus Canonicis Diaconis adstātibz genuflexus in faldistorio inchoauit Antiphonam, *Exaudi Domine*: qua absoluta, & sedente in throno Eminentissimo, cæteris verò in consuetis locis recitatus alternatim à Clero est psalmus *saluum me fac*: & post psalmum preces, vt habentur in Pontificali, dicte: inde dicte Sanctorum Litanix, quas genuflexus in faldistorio Eminentissimus audiit, & stans, decreta oratione conclusit. Interea Canonicus Diaconus, primò Subdiacono Canonico librum Pontificalis sustentante, cum visitatis candelaborū, ac turis ritibus à dextro latere throni, in quem comitantibus iisdem Primicerio, & duobus Canonicis paratis iterum Eminentissimus ascenderat, Euangelium, cuius initium, *Conuocatis Iesus*, in tono consueto perlegit. eo autem Euangelio perlecto, ac reliquis de more post Euangelium actis, ad exorandam Spiritus sancti gratiam Archiepiscopus hymnū *Veni, Creator Spiritus*, canere incepit, & proseguutus est genuflexus cum Clero pariter genuflexo primos versiculos, tū stans cum stante reliquos ad finem vsque. Posthæc cūctis sedentibus, intentisque in eum, alloquitur à throno Synodū de præscripta formula, *Venerabiles Consacerdotes*: qua ipsa allocutione completa processit statim in medium sacer Orator, & benedictione ab Eminentissimo petita, acceptaque hanc ad Synodum pro re, ac tempore orationem habuit.



## O R A T I O.

**S**i quæ semel à maioribus nostris rectè constituta, diù sine vitio habita, in omne posterum tempus, semper incorrupta persisterent: superuacaneus proculdubio foret conuentus iste, laborque poenitendus, Præsul Eminentissime. Nunc verò sic habent humana, vt quamuis in prima ipsa constitutione desideratum nihil fuerit, nihil prætermisum, quod videre, aut providere decuisset, tamen mortalitate sua quasi pondere retroacta inclinentur primò, mox præcipient: nisi identidem eò, vnde dilapsa sunt, in tempore retrahantur. hinc prudens illa Patrum institutio, vt habitis interdum comitijs, in quibus flos Ecclesiastici Ordinis cogeretur, viderent optimi quique, si qua parte damnum fecerit disciplina: si tabes furtim aliqua mores inuaserit, quam strenuè excindere oporteat, ne totum Reip. corpus diffusa sensum contagio depascatur. Tam autem vehementer gaudeo, etiam lætor, hanc ipsam procurationem, grauissimamque prouinciã ad vos, Amplissimi PP. hodierna luce deferri; noui enim, quanto vnusquisque vestrum religionis studio ardeat, quo flagret desiderio diuinæ laudis, salutisque humanæ, cui vitam Deus ipse suam posteriorem habuit. Equidem ex hoc loco circumspiciens Senatum istum, omnibus ornamentis, ijs maximè, quibus maximè Sacerdotium ornatur, Sapientia, & Sanctitate cultum in primis, cui ad splendoris cumulum, columenque eternæ felicitatis datus est nuper cum priuata. Dei cura, qui summus sedeat in summo, clauumque teneat rectissimum ipse rectissimus, non possum non triumphare, gratulationemque immortalem facere bonorum omnium largitori Deo, cuius munere in ea degimus Ecclesia, quæ, vt dicam moderatissimè, multas de optimis superat, à nulla, quamuis optima superatur. Sed tamen, vt fit in rebus humanis nunquam non trepidis, dum lærus ista video, contemplorque, insinuat se molestus quidem, sed non ille intempestiuus timor, ne ista ipsa felicitas, ac tot in vnum scopum collineantia bona cōtra nos faciant: audio quippè malè famam vocem vicissitudinum humanarum parum gnari. Quorsum, inquit, confessus hic recens? quæ tanta præter rem, tam-

tamque sollicita trepidatio? munimur enim uerò, atque defendimur sanctissimis vnde quaque legibus: vndique æquissimis sanctionibus perinde ut muro valla mur. quid enim non introspexit inuicta vigilantia maiorum? quid intactum reliquit? ubi nam publicæ incolumitati minimum defuit? ut iam coactis ab omni parte præsidij, omnique antidoto ostensæ, penè plura sint remedia, quàm mala. Ergò liceat nobis æquè extra aleam, atque extra metum esse: liceat uti beneficio posteritatis, quæ non ignaue, sed feliciter alieno labore potitur. imposita certè coronis est: suprema manus ducta: omnis exhausta cura. si quid nos ultra curamus, si quid mouemus ultra, actum tanè agimus, non sine amplius clarissimorum iniuria virorum: quando videmur, aut emendare, quod ineptè, aut cumulare, quod minus abundè ipsi præstiterint. Sed mihi mens est longè alia, PP. censeo quippe de priorum sollicitudine nihil vos tuta laude posse remittere: debere potius addere aliquid amplius ita, ut florentissimus huius Ecclesiæ status, non solum non faciat vobis otium, sed etiam postulet vos maximè actiuos, hoc præsertim tempore, hac ipsa die, qua vigilantissimo Præfuli, de toto sacrorum corpore deliberanti, in consilio adestis. Atque hoc ipse vel ex eo maximè coniicio, vnde aliquis contrarium, coniicere videbatur. Leges iam multas habemus: quis neget? cuncta vidit incredibilis vigilantia maiorum: esto. num propter hæc soluti vos omni cura estis, omni officio? imò ter tanto amplius, quàm illis, est vobis incumbendum, quippe quibus pars difficillima relicta est. Illorum industria fuit ferre leges: vester labor est latas in rem, executionemque, conferre; quod tantò difficilius accidit, quantò accidit facilius imperata ferre, quàm facere. Errat, & vehementer errat, qui, quòd legem condidit, quòd in ære incidit, aut marmore, quòd ostendit publico, rem sibi factam putat: nò est illi facta profectò. restat, quod caput est, quod est vnicè spectandum, cura obedientiæ. Quoties enim uerò nostra culpa fit, ut, quas leges autoritas figit, refingat audacia: & deficiente successu in tabulis illæ, velut in tumultu conditæ, ludibrio magis sint, quàm præsidio? Videre igitur quanta vos moles premit; quantum Cælum vestris incumbit humeris, quæ cura, quæ solertia ad vos pertineat, ad quos nulla pertinere videbatur. respicere vos retrò oportet, pensare seriò, quæ

quæ in presens rogatis olim legibus reverentia est, quæ observantia: ut si fortè aliquas omninò silentes, prostratas, cõculcatas furore peccatũ deprehenderitis, excogitetis intimè, qua via, quibusue artibus pristino eas loco, dignitatique reddatis. Ut autem omninò reddatis, illud cū primi facit, si scilicet vnusquisque vestrum antecap exemplo. fuit quidem aliquandò vnus sapientis vox: sed fuit semper omnium planè mortalium sententia, homines malle exempla, quàm verba; quia loqui facile est, præstare difficile. Cui vel ignauo non liceat docere viuendi normam? at non nisi egregiè probo licet viuere ad normam, ad quam doceat esse viuendum. Itaque sic in vniuersum statuo, pro restauranda Popoli disciplina, pro emendandis moribus publicis facere momentum non modò magnum, nò modò maximum, sed etiam omne, disciplinam vestrã. Clerus popularem disciplinam cõstituit, Clerus euerit. Clerus pietatem, religionemque sustentar, Clerus affligit, non dicto, sed facto, non ore, sed manu, non verbis, sed rebus. Nempè si hic immemor conditionis suæ, hoc est, immemor illius magnificētissimi appellacionis, qua genus electum, gens sancta, regale Sacerdotum diuino testimonio perhibetur, legum munimenta prostermit, & quod omnibus inculcatur, ante omnes ipse conculcat: quid expectandum ab irreligioso vulgo? quid à ceteris, quos propria conditio permittit esse profanos? Nullum certè habet locum religio, si nullum habet in templo. si exulat longè extra Sancta sanctitas: trinia incolet, & theatra? nihil adeò profligat mores, neque vnquam magis de disciplina actum est, quàm cum scelera commendat authoritas, & habet à peccante ipso patrociniũ. Ecquem demum peniteat improbitatis, si quorum est flagitia persequi, non pudeat eos flagitia sectari? scilicet natura ipsa fert homines in scelera: impellit exemplũ: cogit authoritas. scelus autem natura, exemplo, autoritate firmatum, nulla quauis arte, non dico sternitur, sed ne minimum quidem inclinatur. Frustra tunc prouocamus ad leges: frustra supplicia comminamur: frustra omnem non solum lapidem, sed, vt sic dicam, montem omnem mouemus. enimvero quiuis ducit paruo doctrinam, quã Doctoris mores ducunt minimo; & multũ suspecta illa merx est, quam venditor ipse despexit. Ergo licet crediderim, vos optimè, sanctissimeque institutos non adeò multum laborem imper-  
suros

firos, vt ex vestro in leges obsequio obsequium in eadem  
alienum doceatis; tamen quia humanum non est nunquam  
aberrare à scopo: quin ex diuino oraculo in multis offendi-  
mus omnes, decet omnino agere diligentius, atque intende-  
re serio neruos, vt videlicet legum damna consilio, sapien-  
tia, ante omnia præclarissimo exemplo vestro, quantum pro  
virili est; ab integro reparetis. Sed fingite, quod tamen ipsa  
vix cogitatione fingi potest, nihil ex hac parte satagendum:  
omnes ad vnum in officio esse: nihil antiquius, nihil sanctius  
habere, quam leges: eas venerari, osculari; tamen istuc ipsum  
poscit vestram operam haud paulò diligentio-rem, ne quan-  
tum ex vna parte proficimus ex altera tantum alterum de-  
ficiamus. Nequitia flumen est; si flumini opponis aggerem:  
cursum non veras, sed vertis. vetitum hæc fluere, immettet  
se aliò multò vehementius, & licentius erumpet, quàm nul-  
lo iter obice prohibetur. Negas hanc viam sceleri? bene est.  
precludis hos aditus? quid tum? inueniet statim alios, atque  
in diuersam, minus munitam legibus partem cum vi magna  
incumbet. propterea istuc etiam summopere videre oportet,  
an post tot ante trucidatas noua aliqua pestis eruperit,  
cui ferro, & igni obuiam eundum sit. nascuntur enim verò  
nouæ semper cupiditates. nulla fecundior hydra, quàm vi-  
tium. resectum ad radices momento renascitur: adolescit de  
integro: tum alio, & alio vitio multis ueluti fibris tenacius  
radicatur. In summa quoad uiuimus, oppugnari nequitia  
potest, expugnari non potest. Quapropter ualdè decet, imò  
prorsus necesse est, inuictam perniciem inuicto labore per-  
sequi, nec remittere arcum, intento semper ad nouas im-  
pressiones hoste. Verùm quid ego pluribus exsuscitem ad  
optima optimos? quid ultrò ac per se currentes amplius in-  
stimulem? Restat ergo illud unum, ut in exitu orationis meæ,  
sactæ huic Synodo augurem successum auspiciatissimum ex  
auspicatissimo hoc die, quem non sine Deo sibi sumpsit no-  
stra felicitas. quis enim alter aptior, quis opportunior, quàm  
iste, quo celestis ille spiritus, à Patre emissus, ac filio in con-  
uentuum omnium principem, in prima Ecclesiæ capita sese  
igneus effudit? quocircà sperare licet imaginem eius benefi-  
cij non defuturam nobis, qui primitij illius cōuentus exem-  
plar sumus. Igitur huc quoq; ad nos, Diuine spiritus, author  
bonæ mentis, optimique dator consilij, huc quoque ades.

Tc

Te enim ad hæc noua cœpta venerabundi poscimus, supplices imploramus, Te, inquam, cuius numen semper ovidens affuit, benè semper beatèque prospexit Ecclesiæ isti. rediere solennibus ornatî cærèmonijs magni dies: redeant quoquè miracula: redeat ignis ille tuus, qui se penetrat in medullas: quo ipso & illustramur ad veritatem, & ad sanctitatem incendimur. exorent indulgentiam hanc in nos tuâ Diui, Diutq; omnes. sed præ omnibus Tu, lanuari Beatissime, in cuius cura, & fide præcipuè nos sumus, hanc indulgentiâ exora. Tu, qui soles ignem auertere, ignè nunc impetra. abiecasti quondâ cruore vindice lethale flammam, nostris ceruicibus instantè, ac denotaturam florem Urbium. Urbem hanc tuam; nunc eodem cruore supplici vitalem aliam euoca de Cælo. compensa incendium incendio, flamma flammam. Erebus eructauerat illam: Cælum hanc alteram mittat, & per te mittat, qui Ecclesiæ tuæ viuis etiam extinctus. vigilat enim inuero cruor tuus incolumitati tuorû, & à vitro, tanquam à specula, incursum mala prospectat: quasi de Te viuo vnum hoc moriens seruaueris Tibi, vnum negaueris sepulcro, curam nostrî. hanc curam ipsam nunc pius excita: nunc ostende potissimam, cum Proceres Ecclesiæ huius, carissimi Clientes tui, in augustâ hanc ædem, ante tuas aras, sub hærede dignissimo laudum tuarum, vnanimi conuenere. Tu ergo dignos tanto conuentu sensus ministra: inijce Tu vnicuique eorum eam mentem, vt cætera obliti vnum Dei honorem, religionis augmentum, restaurationem morum, salutem publicam ob oculos, & in oculis habeant. fac demum, vt quæcumque hic geruntur, non probatore modò, sed authore, sed Duce etiam Te, Diuinæ primum laudi, tum vtilitati nostræ gerantur.

**O** Ratione dicta, Vicarius Generalis sacrosancti Concilij Tridentini librum, & alia quædam Decretorû folia ad Eminentissimum detulit, quæ Secretarius Synodi, à Magistro cæremoniarum comiratus, post exhibita de more, honoris signa ab eodem Eminentissimo accipiens, rectâ ad suggestum pergit, ac de eo decreta, quæ sequuntur, alta voce pronunciat.

*Decretum de incepta Synodo.*

In Nomine Sanctissimæ , & Indiuiduæ Trinitatis  
Patris, & Filij, & Spiritus Sancti .

**N**os Innicus Miseratione Diuina Tituli S. Clementis S.R.  
E. Præbyter Cardinalis Caracciolus Archiepiscopus  
Neapolitanus ad Laudem Dei Omnipotentis, ac Beatissimæ  
Virginis Deiparæ MARIÆ, Patronorum Ianuarij, Agnelli,  
& aliorum omnium Sanctorum, Sanctarumque primam,  
hanc nostram Diœcesanam Synodum incipimus, & inceptâ  
esse volumus. Idem Deus eiusdē Deiparæ, ac Sanctorum pre-  
cibus, meritisque placatus pro sua benignissima largitate,  
hoc in nobis à templo sancto suo operetur, vt, quæ recta  
sunt, suequē Diuinissimæ Maiestati placita, & in præsens vi-  
dere, & in posterum exequi, valeamus.

*Decretum de non inferendo præiudicio.*

**S**i pro hoc tempore Synodaliū actionum aliquem præ-  
ter, aut contra conditionem suæ dignitatis, gradus, vel  
muneris stare, sedere, incedere, vocari contigerit, nemini  
propterea illatum præiudiciū vllum, aut nouum ius ac-  
quisitum fuisse decernimus: sed in eo adhuc honoris gradu,  
vt erat, priusquam Synodus cogeretur, pro suo primo iure  
vnumquemque persistere.

*Decretum de deferendis querelis, & absentia excusanda.*

**S**i quis aliqua ratione grauatus, de aliquo conqueri vult,  
aut aliam quamcunque legitimam accusationem defer-  
re, ad Vicarium nostrum Generalem, aliosue ordinarios no-  
stræ Curie Consultores conquesturus, aut delaturus, tan-  
quam ad Iudices querelarum à nobis specialiter pro hoc tē-  
pore deputatos accedat, reseruata tamen auctoritate auocā-  
di ad nos, etiam durante Synodo, huiusmodi causas, vel alijs  
ad nostrum beneplacitum committendi. Si quis præterâ ab-  
sen-

sentiam alicuius excusare voluerit, conueniat eosdem, absentiar quoque Iudices deputatos.

### *Decretum de non discedendo.*

**P**Reterea vobis omnibus, ac singulis, qui de iure, aut consuetudine huic Synodo presentes adestis, imposita poena excommunicationis, precipimus, ac mandamus, ne, antequam legitimè Synodus dimissa sit, aliquis vestrum sine Vicarij Generalis facultate sibi specialiter facta à nostra hac vrbe, discedere audeat. Quin etiam sub eadem poena excommunicationis iubemus, vos omnes, ac singulos huic Synodo, atque huius Synodi actionibus, sessionibus, & conuentibus omnibus indictis, aut indicendis, consueta forma, ac modo interesse.

### *Decretum de Officialibus Synodi.*

**V**T verò nostra hæc Synodus legitimè coacta, legitimè gubernetur, pro recto agendorum ordine, ac valore, statuimus in ea Officiales, videlicet

Promotorem Nicolaum Gilibertum V.I.D.)	) Nostra Metropolitana
Secretarium Franciscum Ansonium Curtium V.I.D.)	

Theologum P. Antonium Casilium Societatis Iesu.

Magistros Cæremoniarum, quibus pro ipsorum munere omnes obedi-	) eiusdem Metropolitana
diant, Agnellum Ricciardone, & Vincentium de Marinis	

Denique Notarium Vincentium Ayeta in nostra Archiepiscopali Curia Actorum Magistrum.

Post Officiales ita, vt dictum est, constitutos, lectum insuper est Decretum Sacri Concilij Tridentini de Residentia, Cum præcepto dimino. Deinde alterum de professione fidei legendum erat: nisi, quòd processerat hora plus iusto, fatius visum fuisset, terminare sessionem, & hanc fidei solennitatem reijcere in consequētē diem. itaque Secretarius de mandato Eminentissim i legit his verbis

*Decretum de sessione secunda.*

**S**ecundam sessionem crastina luce, quæ erit decima huius mensis, mane, hora item decima, futuram indicimus, atque decernimus.

Post hæc data ab Eminentissimo benedictio: publicatæ centum dierum indulgentiæ: & prima sessio conclusa.



**ACTA**



## ACTA SECUNDO DIE SYNODI.

**S**ecundus Synodi dies, qui fuit item secundus Pentecostes, cum solito comitatu ab Archiepiscopali Palatio ad Ecclesiam Metropolitanam uenit Eminentissimus, missamque ipse priuatam legit, assistentibus tamen Primicerio, & duobus Canonici Diaconis paratis. Postquam autem sacris operatus est, uestem sacrificij in solio exiit, assumptoque pluuiali, ac mitra ad balditorium oraturus accessit, tum antiphonam inchoauit, *Propitius esto*: qua completa, cunctisque sedentibus cantatus alternatim est psalmus, *Deus uenerunt gentes*: cui psalmo stans Archiepiscopus addidit præscriptas in Pontificali orationes. Exinde lectum euangelium *Designauit Dominus*, cum libri osculo, & turificatione Archiepiscopi, ut hesternæ die, dictus postea hymnus *Veni Creator Spiritus*, itemque ad Clerum facta allocutio, *Venerabiles*, postquam Promotor Synodi succedens throno pro dilata in istum diem fidei professione sic instat:

*Eminentissime, ac Reuerendiss. Pater, & Domine.*

**S**acrofancta Tridēna Synodus speciali sua constitutione decreuit, ut, quicumque beneficia ecclesiastica obtinent, & Synodo præsentés adesse tenentur, quo primum tempore hæc habebitur, eique interfuerint, fidei professionem emittant. Idcirco ego Nicolaus Gilibertus Canonicus Neapolitanus huius Synodi Promotor submisit postulo, atque insto, ut illa constitutio publicè perlegatur: undè ij, quibus ista præcipiuntur, cuncta, ut par est, sanctè possint, in egreque præstare.

Cum sic Promotor instaret, Vicarius Generalis Tridentini librum cum decreto de fidei professione emittenda produxit, detulitque ad Eminentissimum. Eminentissimus Secretario mox tradidit, qui ascendit pulpitem, & clara uoce sic legit:

*Decretum de fidei professione faciendâ.*

**P**er sacrosanctum Tridentinum Concilium decretum est, ut omnes ecclesiastica beneficia consecuti, & ad Synodum

B

Dicc-

Diocesanam de iure, aut de consuetudine convenientes, pro ea prima vice, qua diocesana synodo interfuerint, publicam fidei professionem faciant. Verba concilij Tridentini sic habent : *Cogit temporum, &c.* Igitur vniuersi, qui beneficia ecclesiastica sunt consecuti, & ad synodum diocesanam de iure, aut de consuetudine nunc primum conuenerunt, neque aliàs in ea fidem professi sunt, in medium procedant, & genuflexi ante Eminentissimum, ac Reuerendissimum Dominum ex præscripta à Pio IV. formula fidem publicè profiteantur.

Tum procedentibus in medium fidem professuris idem ipse Secretarius secundum præscriptam Pontificis formulam voce præibat, *Ego N. &c.* illi contra totidem verbis Secretarium præeuntem sequebantur, usque eo dum formula absoluta iidem iurarent publicè coram Eminentissimo in sancta Evangelia, nunquam se aliter iudicaturos, aut credituros, quam quod ultro publicis illis verbis iudicaturos, aut credituros se esse sponponderant.

Post hæc Promotor instare pro Examinatorum, & Iudicum synodalium delectu.

*Eminentiss. ac Reuerendiss. Pater, & Domine.*

**T**ridentinum Concilium constitutioni Bonifacij VIII. in hærens voluit, atque decreuit, ut in singulos annos, cum diocesana synodus celebratur, sex minimum ab Episcopo, aut eius Vicario Examinatores nominentur, quorum tres ab Episcopo eligendi, simul cum eodem ad Ecclesias Parochiales promouendorum examen instituunt. Mandauit ampliùs, ut in eadem diocesana synodo deligantur, quibus dignitate aliqua, aut personatu, aut Cathedralis Ecclesiæ Canonici fulgentibus præter locorum Ordinarios causæ ecclesiasticæ, & spirituales ad forum ecclesiasticum spectantes per Apostolicæ Sedis literas, aut Legatos committi possint. quapropter ego Nicolaus Gilibertus Canonicus Neapolitanus huius Synodi Promotor rogo humillimè, ut ab Eminentia tua proponantur, quos ad examinandum, & iudicandum, prout in prædictis constitutionibus sancitur, possit hæc sancta synodus deligere, & designare.

Hic tum Generalis Vicarius obtulit Eminentissimo decreta

ta de Examinatoribus, & Iudicibus, insuper etiam de Testibus synodalibus, quæ decreta reuerenter accepit Secretarius, & priusquam legeret ea, legit decretum Concilij Tridentini Examinatores autem, &c. cui statim addit

*Decretum de Examinatoribus Synodalibus.*

**N**Os ergo, ut sanctissimæ constitutioni debitum morem geramus, proponimus vobis hos viros pietate, ac doctrina præstantes, qui, donec noua synodus celebretur, examinandi munere fugantur,

*Ioannem Franciscum Ingenium V.I.D. Secretarium Examinis.*

*Matthæum Renzi S.T.D.*

*Thobiam Carolum Campanile S.T.D.*

*Matthiam Guarracinum S.T.D.*

*Franciscum Antonium Curtium V.I.D.*

*Nostre Metropolitana Ecclesia Canonicos.*

*P.D. Petrum Gisolsum Congregationis Piorum Operariorum.*

*D. Franciscum Staybanum S.T.D.*

*D. Antonium Venetia S. T. P. Metropolitana Ecclesia Parochum.*

*P. Carolum Lombardum Congregationis Oratorij.*

*P.D. Angelum Pistachium Clericorum Regularium Theatinorum.*

*P. Ioseph Imperiale Societ. Iesu.*

*P. Franciscum Guarinum Societ. Iesu.*

*P. Nicephorum Sebastum Ordinis Eremitarum S. Augustini S.T.M.*

*P. Prosperum à Potentia Ordinis Conuentualium S.T.M.*

*P. Placidum à Paterno Ordinis Minimorum.*

*P. Fr. Franciscum Alphanum Ordinis D. Mariæ Mercedis.*

*P. Dionysium à S. Andrea Carmelitarum Discalceatorum.*

& statim Secretarius rogauit synodum, probaret ne ipsa propositos Examinatores Responditque synodus probare. quapropter eo ipso tempore designati Examinatores præter PP. Placidum à Paterno, & Dionysium à S. Andrea abientes, singuli genuflexi ante Archiepiscopum, Reliquias S. Ioannis Baptistæ vtraque manu sustentem, tactis illis ipsis reliquijs promiserunt, imponderunt, iurarunt, susceptum Examinatoris officium fideliter, & sincerè, quantum in ipsis foret, esse executuros.

Deinde pro Iudicibus eligendis legit ex eodem Tridentino Secretarius constitutionem Quoniam, statimq; subdit

### *Decretum de Iudicibus Synodalibus.*

**Q**Uam Nos sacrosancti Concilij determinationem, Summorumq; Pontificum dispositionem sedulo amplectētes, quibus delegari prædictæ causæ possint, quoad synodus dioecessana iterum habeatur, vobis proponimus.

*Ioannem Franciscum Ingenium V.I.D.*

*Dominicum Ascione V.I.D.*

*Antonium Tango V.I.D.*

*Ioannem Baptistam de Sio V.I.D.*

*Franciscum Antonium Curtium V.I.D.*

*Hieronymum Balsamo V.I.D.*

*Nicolaum Gilibertum V.I.D.*

*nostra Metropolitana Ecclesiæ canonicos.*

rogauitque rursus synodum, an eos quoque propositos Iudices probaret? iterumque eos probare synodus tota respondit. & tertio subdit

### *Decretum de Testibus Synodalibus.*

**E**X antiqua consuetudine, sanctorum Canonum statutis inducta, solenne est, in dioecessanis synodis viros vitæ integritate lucentes, & simul diuini honoris studio ardentes eligi, qui, si quid viderint, aut rescierint, quod in Vrbe, ac Dioecesi nostra emendari, & corrigi oporteat, maxime si pusillis scandalum faciat, Nobis, aut Vicario Generali nostro mature significant: & de re aliqua, quæ emendatione, aut correctione digna sit, rogati, fideliter, quod sciunt, ac sentiunt, referant. Nos in hærentes vetustissimæ item vt sanctissimæ consuetudini, pro Vrbe, ac Dioecesi eligimus viros, quorum nomina, vt liberiùs id agant, quod agendum ipsis præcipitur, in hac schedula, nostro obsignata sigillo, clausa reticentur.

Atque his ita peractis Promotor institit pro lectione synodaliū decretorum his verbis:

*Eminentiss. ac Reuerendiss. Pater, & Domine.*

**V**T vnique facile sit exequi, quod sibi cognouerit exequendum, ego Nicolaus Gilibertus Canonicus Neapolitanus huius synodi Promotor obnixè peto, atq; insto suppliciter,

pliciter, vt quæ Eminentia tua pro recta Ecclesiæ huius gubernatione, pro Clericalis vitæ honestate, & pro demum totius sanctæ plebis institutione, aut sancita iam renouare, aut nouiter sancire iudicauerit, promulgari, atque edici omnia iubeat. vnde Clerus hic præsens abundè edoctus, omnium, de quibus Eminentia tua monitum ipsum uelit, promptam obseruantiam, & in se recipere ualeat, & præbere.

Instantia absoluta Vicarius Generalis Eminentissimo codice synodaliū decretorum exhibet. Eminentissimus legenda dat Secretario, qui demum sic de pulpito incipit.

*In nomine Sanctissimæ, & indiuiduæ Trinitatis, Patris, &  
Filij, & Spiritus Sancti.*

**N**Os Innicus miseratione Diuina tituli Sancti Clementis S.R.E. Presbyter Cardinalis Caracciolus Archiepiscopus Neapolitanus, ad promouendum studium sanctæ disciplinæ, ad integram morum reformationem obtinendam, pro paterna in gregem nostrum uigilantia, post maturam discussionem, certamque deliberationem, ea, quæ sequuntur, decernimus, & qua ualemus potestate, omnibus respectiue obseruanda mandamus.

Tum Secretarius sedens lectionem decretorum auspicatur: legeratque iam eorum bonam partem. sed cum esset hora tardior, Eminentissimus iussit lectionem abrumpi, & quæ superabat, reijci in tertium diem. proinde lectione decretorum intermissa, Secretarius tertiam sectionem indixit hac forma.

### *Decretum de Sessione tertia.*

**T**ertiam sessionem crastina Ince, quæ erit vndecima huius mensis, mane, hora 10. futuram indicimus, atque decernimus.

Ad hæc impertita de more benedictio, indulgentiæ concessæ, ac terminata demum secunda sessio est.

## ACTA DIE TERTIO SYNODI.

**T**ertius, idemque postremus Synodi dies, tertius pariter Pentecostes fuit, itaque Eminentissimus à Clero secundum morem associatus ad Cathedralē processit, tertiumque sacrum, cum eorundem Canonorum, & Primicerij assistentia fecit. inchoatur inde sessio, recitata ut primo die antiphona, & psalmo, tantum orationibus, ut in Pontificali, mutatis, canitur insuper de consueto ritu Evangelium *Si peccauerit in te. Veni Creator Spiritus*, postea fit allocutio, *Venerabiles* mà hâc autem expleta instat Promotor pro continuanda lectione Synodaliū decretorum,

*Eminentiss. ac Reuerendiss. Pater, & Domine.*

**H**esterno die per temporis angustias decreta omnia peruulgare non licuit, cum igitur ea sint peruulgata dignissima, publicęque vtilitati faciant quàm maximè, Ego Nicolaus Gilibertus Canonicus Neapolitanus huius Synodi Promotor, quantum in me est, rogo, ut, quę supersunt, antequam dimittatur Synodus, perlegantur.

Audita instàtia Secret. ab Eminētiss. codicē Decretorū accepit, & ab eo, vbi desierat, lectionē instituit. Sed quamuis ea decreta non hoc ipso die omnia perlecta sunt: omnia tamen, inter huius diei acta colligimus, ut sic magis, commodum Lectori, qui non à diuersis ea locis repetere, discerpta, sed in vnum locum coacta vno consequenti intuitu poterit faciliori negotio percurrere. In sua ergo capita, & materias decreta omnia distributa huiusmodi fuerunt.

# DECRETA SYNODALIA

## DE DOCTRINA CHRISTIANA.

**N**on rarò accidit, homines prouectæ ætatis initia Christianæ fidei, & ea ipsa, quæ sunt ad salutem vnicè necessaria, ignorare: quæ absurditas cum inde nascatur, quòd Parochi, alijue, ad quos spectat, in imbuendis Doctrina Christiana pueris multum desides reperiuntur; ideò Nos, quàm possumus seriò, ipsis iniungimus, vt in hac tam salutaris, tam propria ipsorum eruditione omnem operam, studiumque collocent, & diebus festis aliqua solennitate non impeditis à prandio campanulæ sono conuocent ad Doctrinam Christianam pueros, eosquè in caritate Dei, & patientia Christi doceant, quæ credere, quæ facere oporteat, vt animæ salutem, si secundum ea vixerint, assequantur.

### *De Sacris Reliquijs, & Imaginibus.*

#### I.

**N**E in Veneratione Sanctarum Reliquiarum error aliquis contingat, seruetur exactè, quòd Sacrosanta Tridentina Synodus, seruandum mandauit, vt nimirum antequam publicæ venerationi si telium in Ecclesijs etiam exemptis proponantur, approbentur per Nos, vel per Curiam nostrā, renouata poena olim constituta interdicti, alijsque nostro arbitrio referuatis.

#### II.

**C**ultum Sacrarum Imaginum, quem Ecclesia Christi cōtra Synagogam Satanæ omnibus temporibus, maxime nouissimis istis, quæ Iconomachorum furorem suscitauerunt, amplexa est, promouendum curantes, cum ingenti dolore animaduertimus, in hac ipsa nostra Vrbe incautam quorundam temeritatem eò processisse, vt Sanctorum imagines, ipsum.

ipsumque salutiferæ Crucis Signum, quod in fronte Regum nunc est, in immundissimis, proiectisq; locis ad arcendas sordes prætereuntium in derisum Christianæ Religionis depingat. Nos pro debito nostræ vigilantix istum damnabilissimum abusum eliminaturi, ne posthac talis irreuerentia sanctis vsq; imaginibus itrogetur, primum omniũ, quod multo ante Sacra Congregatio Episcoporum, & Regul. die 22. Maij 1556. in vna sua particulari præcepit, nos etiam pro hac nostra Ciuitate, ac tota Diocesi districtè præcipimus, ac mandamus, vt quæcunque hæc imagines, aliaque sacra Signa in præfatis locis collocata antehac fuerint, illicò deleantur: in posterum verò tempus sub pœna excommunicationis ipso iure nemo audeat; Beatorum, Sanctorumquè imagines, siue vllum quodcumque sacrum Signum in publicis parietibus depingere, aut quomodolibet efformare, quod, minimum, vnus vlnæ ab imo solo altitudinem non habeat.

### III.

**E**X fel. rec. Urbani VIII. constitutione nemo tam sæcularium, quàm Regularium Sanctorum imagines alijs vestibus, ac forma induat, quàm ab antiquo eas induere; Sancta consuevit Ecclesia: præsertim ne contra eiusdem Ecclesiæ solitum induat speciali alicuius ordinis habitu. Ex eadem Constitutione in Ecclesijs, aut in earum facie, in atrijs, porticibusque profana picturæ, vel sculpturæ simulacra non collocentur, transgressoribus tam Sæcularibus, quàm Regularibus vtcunque exemptis, & Sedi Apostolicæ immediatè subiectis tanquam eiusdem Apostolicæ Sedis delegati penam excommunicationis, aliasque arbitrio nostro reseruatæ comminamur.

### IV.

**S**icuti pium fidelium vsum Sanctorum imagines decenter ornatas venerationi prætereuntium à publicis parietibus proponentem multum commendamus; ita seriò reprehendimus abusum aliorum, qui coram prædictis imaginibus festiuas sonorum, cantuumque modulationes, aliosque profanos



nos lusus superstitiosè magis, quàm religiosè audent celebrare; quin etiam diuina officia antè eas via publica indecè-  
rissimè aliquando peracta fuisse, accepimus: quæ vt longis-  
simè ablegentur, in virtute præteritorum, & quatenus opus  
fuerit, præsentis etiam statuti prohibemus prædictos abusos,  
confirmantes respectiue pœnas olim propositas excommu-  
nicationis latè sententiæ in priores, in posteriores verò si de  
clero sæculari fuerint centum librarum ceræ elaboratæ pro  
locis pijs, si de regulari interdicti propriæ Ecclesiæ.

### *De Actionibus, seu Representationibus.*

**N**VLLE actiones, seu representationes scenicæ, cuiuscunq;  
argumenti fuerint, etiam si sacri, in Ecclesia agantur:  
neque in eius atrio, aut area; aliter ipsa Ecclesia interdicto  
subiaceat. Nulli similiter profani lusus pro quauis celebri-  
tate, aut alterius lætitiæ causâ sub iisdem pœnis in iisdem lo-  
cis fiant. Personæ verò Ecclesiasticæ pœna semestris carce-  
ris proposita in præfatis actionibus non recitent. In vniuer-  
sum autem sub pœna excommunicationis nemo representet  
actiones vllas, quas à nobis deputati eas reuidentes non pro-  
bauerint, & pro quibus representandis non accesserit nostra,  
aut Vicarij nostri Generalis scripta licentia.

### *De Sacramentorum Administratione.*

**Q**VANDOQUIDEM præcipuum Parochorum munus est, fi-  
delibus sibi commissis Ecclesiæ Sacramenta ministra-  
re: vt hæc ipsa morti proximis cum speciali cura ministran-  
tur, satagendum est. quoniam verò repentini casus ita ferunt,  
vt celeris eorum opera desideretur, caueant, Parochiam,  
longum tempus intra eundem diem omninò destituere, cui,  
vel ipsi, vel ipsorum Adiutores non assistant: ne de repente  
vocati in re cæteroqui grauissima, & ad ipsos ex iustitia spe-  
ctante morientium temporibus desint. Verumtamen si for-  
te contingat adhuc, vocatum Parochum aliqua de causâ ab-  
esse, & ab euidenti mortis periculo non posse Sacramentorū  
administrationem differri, quemadmodum voluerit Præde-  
ces-

cessores nostri , ita Nos quoque volumus , vt incidente huiusmodi necessitate Sacramenta Confessionis , Viatici , & extremæ Vnctionis à viciniore Parochia peti possint , & petita licitè ministrari , citra tamen præiudicium iurium Parochialium Sacerdoti proprio debitorum .

### *De Baptismo .*

#### I.

**C**Um multis morborum casibus paruuli recens nati obnoxij sint , & nisi maturè baptizentur , contingere non raro possit , eos celeri morte , non dum ex aqua , & Spiritu sancto renatos , cum ingenti animarum damno decedere : Nos providere , vt par est , optantes æternæ eorundem infantium saluti , & parentum quorundam crudelem incuriam damnantes , districtè præcipimus , vt , quàm citius potest , infanti Baptismus conferatur : saltem ne yltra diem octauum ab ortu prorogetur , excommunicatione ipso facto parentibus , si transgressores extiterint , irrogata .

#### II.

**N**isi vrgeat necessitas , atque aliter infantis salus poscat , nolumus administrari hoc Sacramentum , hora 24. iam elapsa : quemadmodum in Synodo superiore statutum est : & Nos sub pœnis ibi contentis omninò confirmamus , illud insuper Parochis omnibus mandantes , vt , ne forte memoria excidant nomina baptizatorum , qua maiori celeritate fieri potest , in consueto libro describant secundùm formam Ritualis Romani , quod iidem Parochi penes se habeant , mulctandi , si neglexerint , pœna alia in Synodo constituta .

#### III.

**S**i fortè metu mortis baptizatus celeriter infans domi fuerit , rectèquè deinde conualuerit , ad reliquas Ecclesiæ caeremonias suscipiendas maturè in Ecclesiam deferatur : sic vt prædictus octo dierum terminus à die , quo infans conualue-

lucrit, nullo modo protrahatur.

#### IV.

**A**lique obstetrices obstetricandi munus exercent, & tamen ignorant necessaria pro ministrando rite Baptismo in casu necessitatis: ex quo plurimos infantes subire periculum æternæ salutis necesse est. proinde cum omni cura Parochis nostris iniungimus, vt, quas habent intra fines Parochiæ suæ huius generis fœminas, plenius edoceant de forma, ac ritu ministrandi hoc tam necessarium infantibus Sacramentum, neque eas admittant, nisi plenè pro suo munere instructas repperint. Si verò acciderit ab obstetrice, imminente mortis periculo, Baptizatos superuiuere, curent ijdem certificari de modo, quo id factum est, vt, si quis error in eius Baptismi administratione inciderit, aut incidisse probabiliter dubitetur, tempestiuè, ac in tempore vſitatis cautionibus corrigatur.

#### *De Confirmatione.*

##### I.

**Q**ui sunt confirmandi, & ætatem confessioni requisitam habent, quò Sacramentum hoc accipiant decentius, ac fructuosius, moneri debent, vt prius quam ad accipiendū accedant, ritè confiteantur.

##### II.

**N**emo non confirmatus alium cōfirmandum præsentet. Idem sit maior natu, & sine nostra expressa licentia, plures, quàm vnum, vel duos eodem die non præsentet. Cæterùm Magistri Cæremoniarum in nostra Cathedrali Ecclesia recens confirmatorum nomina, & familiam in libro ad hoc speciale munus deputato statim describant: curentq; hoc ipsum Parochi, cum inter visitandum, confirmatio in transitu administratur.

No-

### III.

**N**olumus hoc Sacramentum cuiquam in Oratorijs priuatim ministrari : quam ob rem cum alicui Episcopo datur à Nobis facultas exercendi Pontificalia ad confirmandum in Ciuitate hac , & Diœcesi nostra , intelligatur data , vt exerceantur in publicis Ecclesijs , non autem Monialium.

#### *De Eucharistia , eiusque administratione .*

##### I.

**C**vlus diuinissimæ Eucharistiæ cum per se, tum quod ex isto hîc præfertim temporibus Ecclesiæ sanctæ filij ab eiusdem impugnatoribus separantur , planè maximus esse debet . proinde æquum est, non solum internam cordis, sed etiam externam corporis reuerentiam à fidelibus , quoad eius fieri potest , summam exhiberi , tunc maximè, cum grauibz de causis per nos probatis , deque licentia nostra publicæ adorationi à hierotheca exponitur : quæ tamen expositio iterum sub pœnis in Synodo anni 1646. statutis præcipimus , ne ante ortum solis incipiat , neue post eiusdem occasum continuetur .

##### II,

**C**vm Ecclesijs, quibus Eucharistici tabernaculi vsus non est , conceditur facultas exponendi Sanctissimum Sacramentum, nunquam intelligatur concessa vltà meridiem; quapropter ante hunc deponatur , & à quopiam celebrante, proximè post sumptionem sanguinis absumatur . Transgressores puniantur item , vt ij, qui nulla à nobis licentia obtenta Sacramentum exponunt .

##### III.

**I**N postrema Diœcesana Synodo iniunctum, Parochis , & Rectoribus omnibus fuit, vt pro quauis quadragesimæ Do-

**D**ominica inter solennia Missarum, aut alio quonvis tempore, cum frequentior diuinis adest populus, moneant fideles suos, falsò credi, annuæ Communionis ab Ecclesia præcepte tempus vsque ad Dominicam Pêtecostes licitè prorahi. sed cum idem error in multis adhuc inolitus perseveret, ipsumque ad praxim contra legitimum Ecclesiæ morem deducant, idem Nos rursùm iniungimus, mandantes iisdem Parochis, & Rectoribus, vt memores muneris sui doceant diligenter pro temporis opportunitate, verum tempus, quo tenentur vtriusque sexus Fideles exequi præceptum annuæ Communionis, ab Hebdomada Sancta, vsque ad Octauam Resurrectionis D. N. I. C. haberi: qui verò intra hoc tempus, cum possint, non communicauerint, præter peccatum mortale, quod ob transgressionem Ecclesiastici præcepti commiserint, anplius interdicto personaliter teneri.

#### IV.

**S**ciant præterea fideles, qui tenentur in Paschate communicare, non satisfacere ipsos præcepto, nisi Sacram Communionem in propria Parochiali Ecclesia, vel in nostra Metropolitana acceperint. Parochi verò & ipsi sciant, aliàs fuisse prohibitum, irrogata pœna Suspensionis à diuinis incurrenda ipso facto, impertiri facultatem communicandi contra tenorem huius constitutionis, excepto casu necessitatis.

#### V.

**S**chedulas, quæ distribui solent in Paschate pro publica, peractæ Communionis fide, aliqui, sæpius ibidem aut in diuersis locis pro illo 15. dierum spatio communicantes, binas, ternas, aut etiam plures accipiunt, easque in fraudem præcepti non communicantibus donant, vel etiam detestabiliùs vendunt. quæ inaudita peruersitas cum debeat penitus ablegari, primùm monemus Parochos, aliosquè schedularum harum distributores (qui nullo modo, nisi pro magna necessitate, sint minores Clerici) vt videant, quoad possunt, ne eidem multiplicentur. Deinde qui vnam, vel plu-

plures schedulas siue in eadem, siue in diuersa Parochia malitiosè acceperit, siue propriâ non communicanti tradiderit, tam ipse, quàm qui traditam acceperit, excommunicationi ipso facto subiiciatur.

### *De Missa, eiusque Celebratione.*

#### I.

**S**acrosanctum Missæ Sacrificium, in quo salutaris illa Hostia Christus IESVS per Sacerdotû manus Deo Patri pro totius Mundi salute offertur, qua pietate, ac religione peragi debeat, nemo non videt: propter hæc vehementer dolemus, esse Sacerdotes, qui actionem illam etiam Angelis tremendam multum irreligiosè partim ex ignorantia, partim ex ignauia conficiunt. Curent igitur pro summa rei gravitate Sacerdotes nostri, non solum, qua decet, internam animi munditia, sed etiam externo, qui præcipitur in Rubricis, cultu, Sanctam, & immaculatam Hostiam offerre, non cursim, & præcipitanter, sed moderatè, atque intelligibiliter cum debitis pausis verba proferentes, cæterosque corporis gestus cum gravitate, & maxima sui totius compositione dispensantes. qui verò, nostris hæc monitionibus speritis, Sacerdotali ministerio se indignos probauerint, & nihilominus tam venerabilia sacra profanè tractauerint, intelligant, pro nostro arbitrio ab ordinis exercitio esse suspendendos.

#### II.

**N**emo ex recèns initiatis primam Missam offerat, nisi à Nobis idoneus ad eum actum iudicetur: & nisi præterea testimonium probati alicuius viri ferat, quod paulo ante iturus obuiam Christo Domino, lampadem suam, hoc est, conscientiam ornauerit, vacando per octo, aut decem dies spiritualibus exercitijs, meditationi, orationi, lectionisque piorum librorum.

Ex

### III.

**E**X Decreto Sacrae Rituum Congregationis non licet feria 5. maioris hebdomadae plures una Missas in singulis Ecclesijs celebrare: ex Synodali vero anni 1662. cautum insuper est, ut, quae una missa permittitur, in ijs tantum Ecclesijs celebretur, in quibus hebdomadae sanctae mysteria peraguntur: quae rursus ibi solum peragi possunt, ubi permittitur, Sanctissimam Eucharistiam afferuari. atque haec omnia sanctissime constituta inuiolabiliter obseruari volumus, stabiliens poenam interdicti in terminis, quibus ibidem fertur, contra Ecclesiam, in qua istarum ordinationum transgressio facta fuerit. Sin autem in praedictum diem, festum Annunciationis Beatissimae Virginis inciderit, ut pietati fidelium, & opportunitati consulatur, permittimus, pro eo anno in Ecclesijs seruantibus Sanctissimum Sacramentum, duas Missas, alteram priuatam, solennem alteram, in alijs vero Ecclesijs vnā tantummodo priuatam celebrari.

### IV.

**V**T pietati fidelium pro Missis Defunctorum certas elemosynas constituentium, Sacerdotum, quibus celebrandi onus incumbit, par cura respondeat, decreuit Sacra Congregatio, ut onera Missarum celebrandarum exacte descripta in Sacrarijs Ecclesiarum publice de tabella exponantur: cui prae dispositioni nos inherentes, quodcumque in hac parte neglectum fuerit, emendari vehementer cupimus, ut, quod iustitiae ratio erga datores elemosynae, & caritatis erga animas igne purgatorio cruciatas postulare videtur, missae omnes constitutae, fideliter celebrentur.

### V.

**I**N Dioecesi nostra extra Urbem, ut possint Parochi praesenti populo denanciare dies festos, & ieiunia, publicationes matri noniales facere, atque alia ad ipsos spectantia munera exercere, congruum est, ne ullus Sacerdos, exceptis vindemiis, acmestis temporibus, ante Missam Parochialem

lem, nisi post duas horas ab ortu solis in Ecclesijs, aut Oratorijs Confraternitatum celebret. Cùm verò in Parochia concio habetur, ne à Dei verbo diuertat populus, missæ pro eodem tempore non celebrentur: neque pro ijs celebrandis campanæ signum detur.

### *De Pœnitentiæ Sacramento.*

#### I.

**E**X Decreto Sacri Concilij Tridentini nemo secularium, aut regularium Sacerdotum Ecclesias Parochiales non administrantium, absque approbatione Ordinarij potest confessiones Sæcularium accipere, eosque in Sacramentali foro absoluerè, non obstantibus quibuscunque priuilegijs, aut consuetudinibus etiam immemotabilibus. Nos, ut quæ tam sanctè decreta sunt, Sanctissimè seruentur, addimus in subsidium iuris carcerem formalem Sæcularibus, Regularibus verò excommunicationem iuxta mandatum Sacræ Congregationis super negotijs Episcoporum, & Regularium, declarantes eiusmodi confessiones sine nostra approbatione, excepto mortis articulo, factas, de iure nullas, & inuálidas esse.

#### II.

**P**RO maiori decencia prouisum est, ne, seclusa necessitate, Sæcularibus siue viris, siue fæminis Sacramentum pœnitentiæ sine nostra licentia domi ministretur: quod Nos etiam in posterum seruari volumus, sub iisdem pœnis, nempe inhabilitatis ipso facto ad alias confessiones deinceps audiendas pro Confessarijs tam Sæcularibus, quàm Regularibus: pro Parochis verò suspensionis etiam ipso facto à diuinis. excipimus tamen hinc Sacerdotes, quibus celebrandū, aut Sacramentum aliquod ministrandum est, & in Ecclesia commodè confiteri nequeunt.



### III.

**I**ntelligent Confessarij per Nos approbati, & approbandi, etiam nostræ Cathedralis Pœnitentiarij, quidquid sit de iure, speciali mandato, ac voluntate nostra ipsis absque expressa commissione à Nobis, aut à nostro Vicario Generali data non licere, absolvere quempiam à Censuris, nisi, audita integra confessione, absoluant etiam Sacramentaliter à peccatis; multò minus posse dimidiata confessione absolvere à reservatis, quorum absolutio permessa ipsis fuerit, reiicientes ad alium simplicem Confessarium absolutionem à non reservatis. si secus egerint, sine autoritate agent, & absolutiones à solis censuris, vel à solis reservatis per ipsos collatæ, illicitè, & inualidè collatæ erunt.

### IV.

**C**onfessarij omnes etiam Regulares, qui Infirmorum confessiones audierint, & eosdem iuxta Sacrorum Canonum regulas absolverint, datæ absolutionis testimonium dent Parochis, ut cætera ipsis Sacramenta ministrari cõgruè possint, sub pœna Suspensionis ipso facto, ab excipiendis in posterum confessionibus, donec examinentur.

### *De Casibus reservatis.*

**C**um ex antiquo, & salutari more Ecclesiæ, præsertim ex Sacrosancti Tridentini Concilij Decreto, locorum Ordinarij ad Christi Fideles in officio cõtinentos consueverint atrociorum criminum absolutionem sibi reservare, Nos pro ea, quam nostri gregis gerimus, cura, ut, quod possumus, eundem ab extremis animæ malis auertamus, appositos casus, censurasque irà Nobis reservamus, ut nemini siue Sæcularium, siue Regularium Confessariorum etiam à Nobis approbato, vel approbando liceat ab ijs quempiam absolvere sine nostra, vel nostri Generalis Vicarij licentia, excepto mortis articulo iuxta Sacrorum Canonum dispositionem.

*Casus Reservati, quibus est annexa Excom-  
municatio.*

- 1 **O**mnes Personæ, quæ vel per se, vel per alium de Sanctissimo Altaris Sacramento, Chrismate, Oleo Sancto, siue quacunque alia re consecrata ad veneficia, diuinationes, Sortilegia, aliosque illicitos vsus quomodolibet abutantur: quiue de prædictis ad prædictos fines aliquid alicui dederint, aut datum acceperint, etiam abusu non sequuto, pœnam excommunicationis ipso facto incurrant.
- 2 Eandem pœnam excommunicationis incurrant omnes vtriusque sexus personæ; quæ dæmoni spondent obsequium, rus, & sacrificia offerunt, etiam sine errore intellectus. Insuper quæcunque siue suo, siue alterius nomine condunt, aut condere faciunt, imagines, anulos, aut quoduis aliud artefactum, in quo dæmonem constringant.
- 3 Item venefici, ac veneficæ omnes, necromantes, diuinatores, sortilegi, lamiz, striges, seu quouis alio nomine nuncupentur ex utroque sexu, qui cum expressa dæmonis inuocatione ad captandam dilectionem, aut odium concitandum, vtuntur incantationibus, alijsque maleficijs in alterius damnum, siue etiam ligaturis à naturali, & legitimo matrimonij vsu coniuges auerunt.
- 4 In excommunicationem quoque ipso facto incidere eos volumus, qui absque nostra, aut nostri Vicarij licentia, ad Monasteria Monialium, licet exempra, accedere præsumpserint ad colloquendum cum aliqua, vel cum aliquibus earum, etiam si sit nouitia, aut conuersa, aut quæ educationis, siue alterius rei causa ibidem commoretur, declarantes, quod, qui facultatem obtinuerint colloquendi cum aliqua prædictarum, non possint data opera, & ex professo cum alijs colloqui. Qui verò cum aliqua ex prædictis in ijsdem Monasterijs commorante, vel coram ipsis ausi fuerint de rebus obscœnis per verba, aut actus impudicos præsentem agere, absentes verò per literas, aut inter-nuncios, nec non viros, & mulieres siue intra, siue extra

Mc-

Monasterij claustra degentes ; qui prædictas literas , vel mandata detulerint , omnes , & singuli sint ipso facto excommunicati .

5 Sint pariter excommunicati omnes in causa criminali , vel civili cum graui damno alterius falsum deponentes , aut deponendum curantes . præter hos Actuarius , Subactuarius , Notarius , Scribæ , qui cum alterius partis offensione , aut cum Reipubl. detrimento dolose diminutam informationem capiunt , nec plenam testium depositionem scribunt .

6 Tum omnes Confessarii approbati , & approbandi etiam , Parochi ad inhonesta personam quamcunque ex sibi confitentibus siue in actu confessionis , siue ante , vel post immediatè sollicitantes , poenam excommunicationis eo ipso incurrant .

7 Nec non tam laici , quam clerici , qui contra dispositionem Sacrorum Canonum , clericos , quos nouerint , ad forum seculare traxerint , etiam consentiente reo .

8 Quiuè etiam homicidia , mutilationesque membrorum , in ipsis Ecclesijs patrauerint , excommunicationi subiaceant .

9 Eidem subiaceant omnes cuiusuis Religionis scemina , Bizochæ dictæ , deferentes , quod Vulgus vocat , subcannû instar Monialium in Monasterijs degentium .

10 Tum etiam , qui , cuiuscunque conditionis personæ fuerint , libros in Ciuitatem introductos tradunt , aut traditos recipiunt : siue etiam de eadem Ciuitate extrahunt , priusquam à Deputatis fuerint recogniti . Similiter Bibliopola , qui Bibliothecas emunt , non exhibito prius prædictis Deputatis emptorum librorum catalogo , sententiam excommunicationis eo ipso incurrant , à qua tamen si quis transgressor de licetia nostra absolendus erit , nunquam ab oluatur , quoad vsque libros sine prædictis requisitis introductos , aut emptos recognitioni non subiecerit .

*Casus referuati, quibus non est annexa Excommu-  
nicatio.*

- 1 **B**laspheantes Deum, uel B. Virginem ex peruersa consuetudine eoram pluribus supra quatuor.
- 2 Exercentes peccatum Sodomiæ, vel cum Brutis coeûtes, ita tamen, ut in his, & sequentibus luxuriæ casibus tantum masculi comprehendantur.
- 3 Incestuosi in primo, vel secundo gradu consanguinitatis, aut affinitatis.
- 4 Confessarij omnes, etiã Curati, ad obscœna quaslibet personas sibi confitentes, licet non immediatè post confessionem, inducentes, seu sollicitantes.
- 5 Medici, qui visitantes in lecto infirmos, post tres dies à visitatione non curant certò scire, num prædicti infirmi peccata sua idoneo Confessario confessi iam sint secundum terminos Bullæ Pij V.
- 6 Debitorum quorumlibet piorum locorum, siue eorundem debitorum Administratores, si intra mensem etiam extrajudicialiter requisiti à Rectoribus, Procuratoribus, seu Administratoribus dictorum locorum, redditus, & census non soluerint.
- 7 Non absoluantur Concubinarij, nisi, facta reali separatione & tori, & domus, per duos se menses continuerint: vel nisi certò, aut valde probabiliter constet, factos physice, vel moraliter impotentes ad recidendum, aut paulo post esse inter se matrimonium contracturos.
- 8 Conicientes venena in hominum perniciem: eadem confecta apponentes, siue ad hoc quomodolibet cooperantes, etiam non sequuto effectu.

**I I.**

**D**eclaramus, prædictis excommunicationibus exceptis, Nobisque ut supra referuatis, Parochos, omnesque alios seu Sæculares, seu Regulares Sacerdotes à Nobis, vel à

Vicario nostro Generali approbatos, siue approbandos, audita integra confessione, absoluerè posse ab omnibus alijs censuris, quæ per edicta, aut Synodales constitutiones, aut demum ex consuetudine Nobis, vel Ordinario loci, siue Archiepiscopo Neapolitano quouis modo referuantur, quâuis specialem requirerent facultatem. Præterea declaramus, si cui in posterum à Nobis cōcedetur facultas absoluendi ab omnibus censuris, & casibus Nobis reservatis, à collocutione cū Monialibus, siue alijs vt supra in Monasterio degentibus, de rebus obscœnis, alijsque vt dictum est, actibus impudicis, nunquam intelligi concessam, nisi facta fuerit expressa mentio de ea. denique ante decimumquartum annum completum neminem censuris hisce, & casibus comprehendi volumus.

### III.

**N** Villus Pœnitentiarius, etiam Pœnitentiariæ præbendam obtinens, qui ex speciali declaratione Sacræ Congregationis Conc. non aliter, quàm de nostro consensu aliqua, vel omnia Nobis reservata, absoluerè potest, subdeleget alium quemcunque Sacerdotem, siue ad omnia, siue ad aliqua, siue ad vnum certum particulare reservatum; hanc enim illis authoritatem penitus interdiciamus ita, vt contrarium agentes perinde se habeant, vt si respectiue ad tales casus, & censuras reservatas absoluendas non essent à Nobis approbati. facultatem verò aliàs datam, vt nimirum Deputatus Pœnitentiariorum pro certis tantummodò diebus, & in nostra tantum Cathedrali Ecclesia, vocaris in adiutorium Confessarijs, absolutionem à reservatis possit committere, cum sic magis expediat in præsens, reuocamus, & quoad oportuerit, specialiter abrogamus.

### IV.

**S**i cui Sacerdoti seu Seculari, seu Regulari concessum à Nobis antehac fuit absoluerè à censuris, & casibus nostra authoritate reservatis, illam nunc reuocamus. hac tamen reuocatione non intelligimus comprehensos Pœnitentia-

rios in Metropolitana nostra ad nostrum beneplacitum deputatos, nec Parochos, quibus authoritatem dedimus in quosdam casus, nec alios Confessarios, qui de nostra concessione tres tantum determinatos, prout in pagella, casus possunt absolvere.

### *De ordinatione Clericorum.*

**S**i quando à nobis permittitur Episcopis conferre in hac nostra Ciuitate, aut Diocesi ordines, non intelligatur permittum conferre hos ipsos in Oratorijs priuatis contra dispositionem Cæremonialis Romani: neque contra speciale ius nostrum in Ecclesijs Monialium; in huiusmodi verò locis promoti ab executione ordinum sint ipso facto suspensi.

### *De extrema Vnctione.*

**E**xtram Vnctionem à IESV Christo animabus, corporibusque curandis salubriter institutam, quemadmodum damnanda incuria est; sic in extremum morbi dissepere, ut infirmus omnino sensibus destitutus, sanctæ illius Vnctionis donum nec agnoscat, nec ad vberioreni eius efficaciam experiendam se congruè disponat: ita non est laudanda solertia, eius administrationem sic accelerare, ut statim post Sacratissimum Viaticum, nullo urgente periculo, conferatur: quod tamen à nostris Parochis tædè sapientius eodem recurrèdi non rarò factum, & in præsens fieri passim accepimus. ergo iisdem, eorundemque Administris nunc mandamus, ne citra casum necessitatis Viaticum, extremamque Vnctionem eidem ægroto vnitim conferant, sed pro ingrauescentis morbi qualitate iustum tempus inter vnum, & alterum Sacramentum transire sinant: ut æger morti proximus idètidem ab Ecclesia matre confortatus, nouis auxilijs contra noua pericula muniatur,

I.

**S**olennes denunciations futurorum coniugum à Tridentino speciali iure requisitas, & pro conditione rei adeo necessarias contingit aliquando aut non fieri, aut non fieri legitimas cum illo grauissimo incommodo, quod nuptiæ à canonicè impeditis celebrentur. ideo vigilantiam nostrorum Prædecessorum insistentes, Parochis, alijsue ad matrimonia accipienda substitutis præcipimus, vt diligentissimè perquirant, huius præcesserint legitimæ denunciations, secundum formam præsertim expressam in Synodo anno 1644. celebrata; & secundum hanc denuo mandamus, ne denunciations matrimoniales fiant in Parochia, ad quam futuri coniuges accessere, sed in priori, quam reliquerint, nisi forte reliquerint iam eam per quatuor menses, vna tantum excepta, quæ facienda est in Parochia, intra cuius fines, quo tempore contrahere debent, habitare deprehenduntur.

III.

**P**ræfatæ denunciations, vbicunque fiunt, saluo quoad fides Parochiali iure, gratis fiant, ita vt neque Parochis, neque eorum Adiutoribus, aut Substitutis quidpiam seu directe, seu indirectè pro eiusmodi publicationibus accipere liceat, renouatis in ipsos contraueniens pœnis alibi constitutis; vt remora omni suspitione cupiditatis videant populi, gratis nos dare, quod gratis accipimus.

III.

**A**d celebrandum conuenienti ritu hoc Sacramentum, spectat, ne, quod parum decens est, in priuatis ædibus fiat: ne fiat de nocte, data iam vicesima quarta: ne Sponsi sub Baldachino positi benedicantur: quæ omnia, ne eorum obseruantia ipsa vetustate labatur, renouato à Nobis iure, instaurantur.

**N**E culpa contrahentium, gratia vacuum hoc Sacramentum recipiatur, moneantur à Parochis Sponsi opportunè, ut, quod minimum, accedant ad contrahendum contriti: si fieri potest, etiam confessi, ne si secus, mortali aliquo peccato occupati, gratiæ, quam essent accepturi, obicem ponant.

## V.

**Q**Uæ mulier post partum iuxta piam, ac laudabilem consuetudinem ad Ecclesiam pro sua incolumitate Deo gratias actura, & à Sacerdote benedictionem petitura venire voluerit, iuxta nostræ diocesis consuetudinem, & maiorem aliquam æquitatem curet, ne id faciat extra propriam Parochiam, & ne ab alio, quàm à proprio Sacerdote benedicatur.

## VI.

**Q**Uamuis excommunicatio, & absolutionis reservatio contra Sponfos, qui ante matrimonium legitimè contractum Sponfas turpiter cognoscunt, abrogato veteri iure, relaxata olim benigniter in Synodali quadam constitutione fuerit; tamen quia videmus peruersos homines hac indulgentia abusus fuisse, & in dies abuti, sub specie, ac spe matrimonij re ipsa concubinatum exercentes, Nos de maturo consilio casum hunc ad terminos antiqui iuris ex nostra potestate reuocantes, declaramus, Sponfos, si ante nuptias rite celebratas actu Sponfas carnaliter cognouerint, excommunicationem Nobis reservatam ipso facto incurrere.

*De Exorcismis.*

## I.

**A**vdent etiam nunc aliqui Sacerdotes tam Sæculares, quàm Regulares exorcizare energumenos, non accepta



pra à nobis facultate, cum tamen eam facultatem iura requirant. mandamus ergò iterum hac ipsa constitutione, vt ab eo munere demum se abstineant, incurfuri, Sacerdotes Sæculares fufpenfionem à diuinis ipfo facto: Regulares priuationem iurifdictionis ad excipiendas confeffiones, fi fuerint de approbatis, aliaque arbitrio noftro.

## II.

**R**euocamus omnes, & quafcunque licentias ad exorcizandum fiue à Nobis, fiue à Prædeceffore noftro tam Sæcularibus, quàm Regularibus Sacerdotibus datas, Nobifque eafdem pro conceffione in pofterum referuamus. quancumque autem deinceps concedentur, nunquam intelligatur conceffum, vt exorcifmi fiant domi, nifi hoc ipfum in licentia nofta exprimatur.

### *De Cæremonijs, ac Ritibus Ecclefiafticis.*

## I.

**S**acra Rituum Congregatio coram felic, rec. Alexandro Papa VII. habita, ad tollendos, eliminandosquè abufus, qui in ritus Ecclefiafticos irreperunt, multa quoad Põtificalia Prælatiſ Epifcopo inferioribùs conceffa opportunè decreuit. quoniam verò plenam eorum obferuantiam etiã nunc aliqui de exemptis, fuperiorem fua ipſorum dignitatẽ affectantibus, adhuc negligunt, & falſo priuilegiorum obtentu, eorundem priuilegiorum limites tranſire præſumunt: nouerint præfati quicunque, vfuros Nos aduerfus ipſorum contumaciam ea auctoritate, quam Nobis Sedes Apoſtolica in his caſibus indulget, ita vt ipſos, quatenus opus fuerit, etiam per cenſuras compellamus.

## II.

**M**inores aliqui Sacerdotes non habentes vfum mitræ, & baculi, neque alio Sedis Apoſtolicæ priuilegio fuſſul-  
ti,

ti, contra dispositionem Rubricarum, digitis anulos gestantes missam celebrant: quem prauum ritum aboleri omnino cupientes, contra eos Sacerdotes, qui sic celebrant, ac Aedituos, qui sic celebrare permittunt, poenam sex aureorum in pios vius pro quauis vice soluendorum, & amplius anulorum amissionem pro domino, praesenti constitutione decernimus.

### III.

**C**ontradicit illud expressè Rubricis, quod in missis priuatis communione, & ablutione peracta, tergere calicem, corporale plicare, velum extendere, aliaue talia fiant ab alio, quàm à celebrante. igitur non est tolerandus contrarius abusus, vt hæc ipsa faciat simplex minister, Sacerdote interea missam prosequente.

### IV.

**P**oenam suspensionis à diuinis ipso facto incurrendam cautum iam fuit, ne homines in Sacris constituti, ac proprijs induti insignibus inter missarum, aut vesperarum solennia laicos, siue hi Ecclesiarum, siue locorum Gubernatores sunt, sacrisquæ intersunt, ipsi turificent. cum tamen ista in quibusdam ecclesijs negligantur, & ex altera parte multum de deceat, tale obsequium in re diuina ab homine consecrato hominem laicum accipere, tam constitutionem, quàm annexam constitutioni poenam ita approbamus, vt velimus eam suo, aut si fuerit opus, nouo etiam vigore persistere, declarantes prædictarum personarum turificationem ad Acolythos, aliumue de clericis non initiatis sacro ordine pertinere, atque ab his tantum exhiberi posse.

### V.

**C**eremoniali Romano prorsus aduersatur, clauiculam capsulæ, in qua die Coenæ Domini Sacratissimum Christi corpus reponitur, à laicis hominibus retineri: iure igitur Prædecessores nostri hoc sæpius prohibuerunt: & Nos quoque  
in

in præsentia prohibemus, cum valde dedecet à non sanctis sancta seruari: itaque in quavis Ecclesia etiam Monialium, reposito iam Sacramento, tradatur statim clauicula celebranti, aut editæ Sacerdoti, non obstante quavis consuetudine in contrarium. secus verò tam dantes, quam accipientes, ac oblatam retinentes in excommunicationem de pristino iure incidant ipso facto: & Ecclesiæ sine alia declaratione interdicto subiaceant.

## VI.

**Q**ui pœnitentiæ habitum induunt (vt fieri solet in maiori hebdomada) ne alienum ab eo, quo ecclesia pro his causis vitur, ferant, excommunicatione ipso facto incurrenda, cautum est: quam nos censuram, ne salutaria Christianæ disciplinæ remedia in nouam peccandi licentiam conuertantur, in suo robore perpetuò mansuram nostra etiam auctoritate roboramus: & quod aliàs præceptum fuit, vt videlicet per eandem maiorem hebdomadam, pro paribus causis linea tantum vestis vsque talos demissa, nulloque opere ornata, quod illi tempori valde congruit, adhibeatur. Nos quoque præcipimus.

### *De Musico cantu.*

#### I.

**D**um missæ, aut sacra officia celebrantur, vbicunque ea celebrantur, caveatur omnino, ne fiant cantus irreligiosi, & parum pii. quicunque transgressores extiterint, aliena ab ecclesiastico modo, ac ritu, cum diuina peraguntur, canere præsumentes, in sententiam se excommunicationis, Ecclesiæ verò interdicti nouerint incurrisse.

#### II.

**Q**uo præsertim tempore diuina Hostia extra tabernaculum est, quamuis nulla interim sacra peragantur, quod  
sacra-

sacra Rituum Congregatio in vna sua speciali anni 1603. etiā Regularibus prohibuit. Nos quoque sanctissimis eiusdem placitis insistentes, nunc seuerissimè prohibemus, cani cantinculas aut non de re sacra, aut ipsas non sacras, multo magis vernacula lingua compositas, quantumuis sub ipsa vnibella velo aliquo sacra Hostia occultetur. itaque sic canentes coram exposito, vt dictum est, Sacramento, pro quocunque tempore, & loco id attentauerint, sint ipsi, vt supra, excommunicatione innodati: locus verò interdicto suppositus.

### III.

**A**D eam, quæ Ecclesijs, & Ecclesiasticis actionibus reuerētia debetur, magnopere spectat, vt in his ipsis locis, ac pro eodem tempore: non solum honesti cantus, verum etiam ab honestis Cantoribus fiant. nolumus ergo, vt homines in publicis Comædiarum, aliarumque fabularum representationibus histrionum more canentes, in Ecclesijs deinde inter Ecclesiasticas functiones, ac solennitates canere audeant. si tamen eorum aliquis ausus fuerit canere contra veritum in prædictis locis, ac temporibus, excommunicationi illum ipso iure, Ecclesias interdicto subiiciamus.

### *De Reuerentia Ecclesijs, & rebus sacris debita.*

#### I.

**V**T ne Ecclesiæ, quæ domus orationis sunt, latronum, spelunæ fiant, videndum cum omni cura est earundem Ecclesiarum Præpositis, quos zelus domus Dei comedat, oportet, vt iuxta fel. Rec. Alexandri Pape VII. decretum hac de re editum, vitentur in ijs immoderatæ confabulationes, soluti risus, indecoræ deambulationes, omnifque actus eo loco, qui porta cœli est, & aula Dei, omnino indignus: præsertim si Sanctissimum Sacramentum expositum adoratur.

Plu-

**P**uribus decretis Synodalibus statutum est, excommunicationem latæ sententiæ Nobis reservatam incurrere, quicumque eo præsertim tempore, quo adorabile Sacramentum in altari expositum est, omni debita religione, cultuque posthabito, clamores, ac tumultus agunt: aut homicidia patrant: aut membra mutilant: aut demum verberant: seu quomodolibet alios graviter offendunt. tum facta ampliatio ad omnes, qui hæc eadem in atrijs Ecclesiæ facere non verentur: nec non ad eos, qui, quo tempore Sanctissimum Sacramentum per Urbem fertur, in locis, per quæ fertur, tumultus huiusmodi, & rixas committunt; quam Nos sanctissimam constitutionem, eiusque ampliacionem, ut suus religioni honor à fidelibus habeatur, quoad omnia, & singula hic expressa confirmamus, & ut vigorem in perpetuum habeat, omnino mandamus.

III.

**I**n quibusdam Ecclesijs vesperarum, aliarumque Ecclesiasticarum solennitatum tempus ita extenditur, ut in multam noctem eadem Ecclesiæ ingredientibus, & egredientibus pateant: quod pluribus scandalis facere occasionem potest. ideo præcipimus omnibus, ac singulis tam sæculariū, quam regularium Ecclesiarum Rectoribus, ne propter celebritatem ullam, aut vllum Populi concursum ultra vicesimam quartam suas Ecclesias patere sinant: sed ita sacras functiones temperent, ut ea hora data Populus dimittatur, & Ecclesiæ claudantur, sub poenis nostro arbitrio reservatis.

IV.

**S**ancta sanctè habenda. idcirco sacram suppellectilem, in primis eam, quæ proximè diuinorum officiorum vsui destinatur, aptare profanis vsibus sacrilegum est, igitur nemo Ecclesiasticam vestem Sacrificio, alijsque sacris actionibus deputatam det alicui laicorum in scenicis, alijsque profanis ipsorum actionibus deferendam cum graui contemptu religionis.

Cle-

## V.

**C**Lerici minores vestes Sacris Ordinibus deputatas ne in ipsis quidem Ecclesijs ad functiones etiam Ecclesiasticas induant, sub pœnis à nostris Diecefanis Synodis secundum dispositionem canonum multo ante constitutis, & nunc, quatenus opus fuerit, speciali constitutione nostra renouatis,

### *De Processionibus.*

#### I.

**Q**uicunque in solennitate Corporis Christi, imò & in quacunque alia per annum, Processionem, quæ à nostra Cathedrali Ecclesia egreditur, comitari tenentur, intelligant, suæ obligationi non satisfacturos, nisi actione absoluta ad eandem Cathedralem similiter procedentes redierint. emendatum ergò volumus indecorum, & irreuerentem quemcunque morem è contrario inductum laxandi ordines, locumquæ deferendi: vt insignem Domini caritatē, qua domos, plateasquæ nostras iterum benefaciendo pertrāsit, frequenti nos, constantiquæ vsque in finem obsequio prosequamur.

#### II.

**S**acras Processiones, quæ in eadem Corporis Christi solennitate per totam octauam quotidie in hac nostra Ciuitate ex laudabili consuetudine à quā pluribus Ecclesijs celebrantur, & commendamus, & vt, qua maiori potest ecclesiastica pōpa fiant, meritò cohortamur. Ad maiorē tamē decentiā obseruetur Synodalis cōstitutio, ne de prandio fiant, exceptis Ecclesijs, quibus aliter Apostolico priuilegio indultum est; in cuius perpetui præcepti subsidium pœnas ab eadem constitutione latas aduersus inobedientes quoscunq; renouamus, approbantes insuper iuris ampliationem ad quicumque alium diem, ita vt nunquam sine expressa licentia  
no-

nostra , & in scriptis obtinenda liceat post prandium tales processiones instituere . Locus etiam , qui deferendo Sacratissimo Christi Corpori in huiusmodi Processionibus præterbitur , ( & esse debet , qui vniuscuiusque Parochiæ fines claudit ) ad omnia iurgiorum seminaria tollenda constanter teneatur .

### III.

**Q**uandocunque tamen hæ processiones , alizue supplicationes publicæ celebrantur , qui interfunt , & ipsas de more ecclesiastico bini inuicem associati producant , currentes procedentes , ad eam se grauitatem , modestiam , iustumque ordinem componere , sicuti maximoperè illòs decet , qui Deo , Angelis , & Hominibus facti spectaculum sunt .

### IV.

**C**um venerabile Sacramētum in processione solenni deportatur , nemo in eodem loco , per quem deportatur sclopos , mortariola , aut alia id genus ignea instrumenta , dispiodat : quo ad in competenti distantia transactum non iam fuerit Baldachinum .

### V.

**P**arochis ad processiones ex suo munere interuenientibus , ne interea repentino aliquo casu ingruente , Christi fideles necessarijs animæ auxilijs in extremo periculo destituantur , permittimus , vt pro temporis , ac rei necessitate , quoadusque à Parochia ob causam prædictam tantum absuerint , substituant aliquem alium Sacerdotem idoneum , & approbatum , qui , quæ Sacramenta differri sine graui periculo nequeunt , debitè administret .

## *De Exequijs.*

### *I.*

**C**hristiana pietas in Defunctorum corporibus humanis  
semper eluxit. cum ergo contingat decedere paupe-  
res, quibus sepeliendis nulla sit ratio pecuniæ, atque hinc  
ultra contingat, multos dies remanere inhumatos: quod  
quidem humanæ, multò magis Christianæ caritati alienum  
est, laudamus quàm maximè sanctum huius Ecclesiæ ritū  
gratis sepeliendi pauperum cadauera, qui tamen ne fortè in-  
terruptur contrario ritu, sub eadem, qua Prædecessor  
noster, pœna suspensionis à diuinis, centumquē librarum  
ceræ elaboratæ ad pios vsus, Parochis, Rectoribus, Cappel-  
lanis, Cellarijs, & Diœcesis, omnibusque Ecclesiarū  
nostræ Ciuitatis, & Diœcesis, omnibusque alijs, ad quos  
spectat ius funerandi, præcipimus, vt statim ac rescierint de  
tali cuiuspiam pauperis transitu, perquisitamquē à testibus  
fide dignis eius paupertatem, veram eam deprehenderint, nul-  
la mora interposita, gratis, proprijsquē expensis funus ce-  
lebrare teneantur.

### *II.*

**I**n funeralibus exigendis seruentur taxæ constitutæ, & su-  
pra illas nihil accipere liceat. quare vt omnis locus scā-  
dalis, & iusta occasio querelarum tollatur, Synodales san-  
ctiones parochialia iura taxātes firmas, & fixas esse volumus,  
renouantes eas, & si necesse sit, ordinaria potestate nostra  
roborantes. sin autem Regulares ipsi, apud quos electa à  
defuncto sepultura fuit, summam aliquam pro funeralibus  
exorbitantem tentauerint extorquere, recurratur ad Nos, aut  
Vicarium nostrum Generalem, vt prouideatur de loco se-  
pulturæ; nam Regulares sua illa excedente petitione cense-  
buntur cadauer recusare.



**N**emini liceat, cuiuscunque conditionis, ac status ille sit, absque facultate à Nobis impetrata efferre ad ecclesiasticam sepulturam cadauera curru, lectica, sella alioque quouis modo Ecclesiæ insueto: neque ullis Ecclesiarum Præfectis ea sic elata liceat accipere: quod etsi sæpius decretis Synodalibus tantum sit, ne in obliuionem, aut defectudinem abeat, cauetur iterum sub iisdem poënis, videlicet excommunicationis latæ sententiæ in deferentes, solutionis centum aureorum pijs locis in recipientes, si fuerint Ecclesiasticæ conditionis: si secularis, eiusdem, vt supra excommunicationis: ipsæ verò ecclesiæ, in quibus recipiuntur, etiam si sint Regularium, interdicto supponantur.

## IV.

**N**on efferatur per Vrbem defuncti corpus, neque reliqua funeralia celebrentur sine assistentia proprii Parochi, nisi forte accesserit ad ea Capitulum nostræ Metropolitane: aliter Præsbyteri, qui absente Parocho, nec nostro Capitulo præsentē exequias duxerint, seu funeralia celebrauerint, centum aureos ad vsus pios in multam soluant.

## V.

**C**adauera secundum verum statutum non efferantur de nocte, à Canonicis quidem Cathedralis nostræ sine nostra licentia: ab inferioribus verò sine licentia Vicarij nostri Generalis sub poënis pecuniarijs iam statutis, alijsquē de arbitrio nostro statuendis. Item ne sepulcra resecrata mortiferis halitibus populo præsentī sacris noceant: tum etiam ne Presbyteri pro eo tempore, quo sunt magis necessarij, destituant Ecclesias, vetamus Parochis, & Cellarijs omnibus, exequias in diebus festis ante prandium celebrare.

## *De Sepulturis.*

### **I.**

**L**iberum omnino fidelibus est, ubicunque magis maluerint, sepulturas eligere. caueant proinde ecclesiarum Rectores, & Parochi eorum voluntates alibi de sepultura disponentium impedire, aut pro executione sub pretextu licentiæ quidquam præter consueta iura Parochialia exigere, renouatis in transgressores poenis centum librarum factæ ceteræ in pios vsus, alijsquæ arbitrio nostro reueruari.

### **II.**

**E**cclēsia in sepulturam electa recusante, priusquam Parochia ius funerandi acquirat, probet, admittatquæ oppositionem, seu recusationem curia nostra; ea verò probata, & admissa, nihil præter consueta iura parochialia de nouo illo funere exigatur.

### **III.**

**S**i fortè contingat, aliquem non translato penitus domicilio extra propriam Parochiam, nullis in aliena Sacramētis receptis de repente mori, iura parochialia (quod ad præcidendas lites olim declaratum fuit) illi parochiæ, intra cuius fines est Ecclesia in sepulturam electa, soluantur. non facta autem electione sepulturæ soluantur Capitulo nostro, & Canonicis iuxta vetustam, & immemorabilem consuetudinem. sed receptis omnibus, vel aliquibus Sacramētis in Parochia habitationis, vbi mors obita est, pro iurium parochialium solutione consuetudo seruetur.

### **IV.**

**P**ro humatione cadauerum perfodi, scindiquæ ecclesiærū pauimenta, non sinatur: sinentes si fuerint de ecclesiasticis, soluant locis pijs centum aureos: si de laicis, ecclesia interdicto subiaceat. Plu-

**P**Luribus ex hac incuria incommodis prouenientibus cōsulturi, Parochis sedulò mandamus, vt describant, aut describenda curent in libro defunctorum nomina, & familiam etiam infantium, quacunque ij ætate decesserint.

*De bonis Ecclesiasticis, & Iuribus.*

## I.

**E**Tsi per Sacros Canones prouisum abunde fuerit, ne Ecclesiarum, hoc est, Christi bona, seu stabilia, seu mobilia pretiosa, iura, & actiones à laicis, sub quorum illarum administratione sunt, vlla de causa alienentur; tamen quia resciuimus, hoc non obstante, istorum aliquos inconsulta curia nostra alienare res huiusmodi, excusantes tenuitatem alienatarum rei, presenti hac nostra ordinatione in perpetuum valitura decernimus, nemini eorum licere ex se, & propria autoritate prædicta bona quamlibet modicæ estimationis, atque valoris quomodolibet alienare, sub pœnis nostro arbitrio reservatis, declarantes, huiusmodi venditiones, transactiones, aut donationes, quippè nullo iure, ac titulo fundatas, nullas, atque irritas esse.

## II.

**Q**uoniam in permutanda forma rerum, quas fideles dono dant Ecclesijs, vel offerentium piæ voluntati contrahere, vel ex inæquali substitutione fraudari oblatoꝝ pretium solet, Nos vtrique simul incommodo occurrere volentes, strictè prohibemus, ex bonis, quæ cum nostra licentia alienari possunt, sine hac in alteram formam ab Ecclesiarum Rectoribus commutari.

**R**ectores Ecclesiarum, Sacrificæ, alijque, sub quorum administratione, & cura illæ sunt, meminerint in Synodo anni 1652. iniunctum fuisse ipsis, vt habita notitia cuiuspiam sacelli, aut sepulcri absque licentia quoad ius, & proprietatem vendiri, ad nostram statim curiam denuncient: quod ipsum ne eorum memoria, aut suo vigore excidat, de nouo ipsis iniungitur, & sub pœna ibidem constituta seriò mandatur. Domini vero sacellorum, sepulcrorumquæ sciât, tales res esse sacras, nullumquæ propterea in ipsis esse ius eas alienandi: quare quoties proprio ausu eas alienare præsumpserint, contra Sacros Canones nouerint egisse se, & effectum alienationis secuto ex Synodali iure excommunicationem, ipso facto incurrisse.

## IV.

**A**dversus alienantes, aut oppignerantes sine licentia Ordinarij res diuino cultui mancipatas, atque alia ecclesiarum bona mobilia pretiosa, ex quauis vera, aut præsumpta necessitate id egerint, Prædecessores nostri pœnam excommunicationis irrogarunt. sed tamen cum non desint, qui nouarum obtentu causarum tam prouidam, vtilesquæ rebus ecclesiasticis constitutionem contrarijs transgressionibus labefactare conantur, Nos quoquæ eorundem bonorum incolumitati prospicientes, istos ipsos tanquàm Christi patrimonij dissipatores, & malos villicos excommunicationi, alijsquæ, vt Nobis videbitur, pœnis eadem autoritate subijcimus.

*De Immunitate Ecclesiastica.*

## I.

**E**cclésiasticos, utpotè homines de sua ipsorum institutione Deo, Deique cultui specialiter segregatos, iura tam diuina, quàm humana sæculi potestati, ac ditioni penitus  
exi-

eximunt . quapropter in re optimò , qui neque Deum, neque homines veriti in sanctos Domino temerarias manus iniiciunt , eosquè ad sæculare forum trahunt , tanquam filios cõtra Matrem pugnantes à sinu suo semper abiecit Ecclesia . vt igitur Christi Sanguine redempti , eos , per quorum manus idem Sanguis ad æternam vitam ipsis impenditur , & qui pupillæ Domini sunt , tangere abstineant , meminerint , Iudices quidem trahentes ecclesiasticos ad sæculare Tribunal in excommunicationem Bullæ in Cœna Domini legi solitæ , Summo Pontifici reservatam eos incurrere ; alij verò quicquè etiam si Ecclesiastici extiterint , idem in casibus à iure non exceptis præsumentes , in excommunicationem Synodali iure sæpius latam incidere ipso facto .

### *De Vita, & Honestate Clericorum .*

#### I.

Clericali statu à sæculari statu multum distante , consequens est , clericorum mores à moribus Sæcularium multum pariter distare . cum igitur acceperimus , non deesse clericos tam immemores conditionis suæ , qui tabernas lusorias , & publica comicorum theatra immixti laicis cum ingenti scandalo , & proprii status infamia , adeunt : Nos tantè licentiæ strenuè obuiam ire volentes , statuimus , eos in prædictis locis etsi non inflagranti deprehensos , sed idoneis tantum testibus de accessu , præsentiaquè conuictos subijcere , vt iam tenore presentis huius ordinationis subiijcimus , iisdem poenis , quibus si fuissent in his ipsis infamibus locis deprehensi , ipso iure subiicerentur .

#### II.

Pervenit item ad nostras aures , aliquos de clero in tantam incurrisse impudentiam , vt non puduerit , alios per Urbem inter Bacchanalia personatos incedere , alios vagari noctu musica instrumenta pullantes , canentesquè cantilenas , quas vulgo nuncupant *Mattinate* , & *Serenate* . eam Nos temeritatè

vehementer execrantes, si posthac vnus aliquis de nostro clericali ordine in his ludicris deprehensus, aut per legitimos testes conuictus fuerit, operam ijs dedisse, poena Nobis arbitraria seuerè mulctabitur. volumus autem decretum hoc extendi ad illos quoque, qui quamuis non pulsauerint, aut eëcinerint ipsi, alios tamen pulsantes, aut canentes pro eodem tempore, ac modo associauerint.

### III.

**V**estium immoderatio quoscuquè, maximè autem ecclesiasticos dedecet, ne inanibus hisce tricis indignè occupati, minus cogitent, quæ Domini sunt. itaque videntes, aliquos clericalis status ab ea, quæ ipsorum est, modestia declinare, & propriam ordinis grauitatem oblitos, quærere ornamenta egrè in filijs tenebrarum tolerata, seriò iisdem indicimus, vt à superfluis huiusmodi vestium munditijs penitus abstineant: & nominatim prohibemus modernum abusum tæniolarum holosericarum, vt aiunt, *fettuccie*, à manuum collo pendentium, idquè ante alios Sacerdotibus, qui in Sacrificio benedicentes, vbi dexteram ad crucem exprimendam adducunt, & reducunt pendulis hisce lingularum tractibus oblata cum irreuerentia contingunt.

### IV.

**S**acerdotalem authoritatem Sacerdotès aliqui nihili habentes, & quod B. Petrus regale vocauit, ipsi seruale Sacerdotium facientes, cum incredibile conculcatione ecclesiasticæ dignitatis, quam Christus Dominus tanquam dignissimæ Sponsæ suæ dotem supra quamcunque sæcularem euexit, non verentur filij lucis filijs huius sæculi vsque ad vilissima quæque turpis lucri gratia famulari: & magisterij, agentiæ aut cappellaniæ prætexu famulos reuera agere, cum famulis versari, & famulorum ritu matronas publicè deducere, brachium dare, etiam pedites post currum ipsa inter mancipia sequi. sed cum ex Redemptoris Nostri oraculo duobus Dominis seruire nemo possit, quandoquidem temporali adhaerere, & inter priuata familiarum seruitia censeri malunt, quousq;

usque ista eos facere non puduerit, Nos certiores de indecē-  
ti famulatu facti, veluti ministros indignos ministerio suo,  
suspensione à sacris quamprimùm inducenda, ab altaris,  
æterniquē Domini famulatu depulso ipsos, nisi resipuerint,  
sententia nostra declarabimus.

### *De Sacerdotibus, & Clericis Confratribus.*

#### *I.*

**S**Acerdotum, & Clericorum Confratrum in corporibus  
fidelium humandis indecens per vias procedendi modus,  
euntium, & redeuntium clamor, & nimia aliquando lucri  
cupiditas cunctos Ecclesiasticos dedecorat. Nos ipsorum  
disciplinæ, bonoquē omnium ecclesiasticorum nomini re-  
spicientes, præfenti hac nostra constitutione, quæcunque,  
à Prædecessoribus, maximè in libello de hac re edito, po-  
nis appositis iniuncta sunt, denuo iniungimus, & renoua-  
mus, monentes eiusmodi confratres, vt in publicis istis sua-  
ctionibus defunctorum modestè, ac moderate quo ad om-  
nia, maximè per viam procedentes se gerant, caueantquē  
hoc ipso tēpore de distributionibus inter se loqui, aut quod  
peius est, rixari, ne totius Clerici, cuius sūt vna portio, dignita-  
tem rursus maculent: & non mediocri scandalo spectato-  
ri populo sint, cui extremum illum vitæ nostræ actum ob  
oculos ponentes, deberent esse saluti.

#### *II.*

**S**olent iidem Confratres, superpelliceis induti, pileolum-  
que clericalē gestantes, cauponas, aliasquē publicas  
vendendum tabernas ingredi, aut per Urbem negotiorum  
suorum causa ante, vel post officium peractum vagari; vnde  
consequitur, sacrum illum habitum, & ipsum ecclesiasticū  
ordinem apud Christianum populum incredibiliter vilescere.  
vt igitur tanta indecentia prorsus corrigatur, iubemus,  
neminem eorum, siue alium quemcunque clericum talibus  
indutum insignibus prædicta loca ingredi, aut per Urbem

inutiliter vagari, pœnam transgressoribus statuantes 30. li.  
brarum ceræ factæ pro locis pijs .

### III.

**C**ellararii pro funeralibus peragendis supra Confratrum  
numèrum non admittant, nisi in sacris, vel notoriè in  
minoribus, aut saltem in prima tonsura constitutos. admit-  
tentes decem aureorum pro pijs vsibus pœnam dent, & to-  
to integro mense suspensionem à diuinis ferant.

### IV.

**I**dem cellaratum ne exerceant ultra annum : nec anno  
exacto confirmentur sine nostra scripta licentia, & om-  
nium suffragio, sub pœna quinquaginta aureorum in con-  
firmatos, & centum in confirmantes ad pios vsus : quod in  
omnibus ecclesijs, collegiisque, etiam in nostra Cathedrali  
à R.R. Canonicis, Hebdomadariis, & Mansionariis eiusdem  
sub prædictis pœnis, & insuper nullitatis electionis contra  
hoc decretum factæ, omnino seruentur.

### V.

**S**uspensione à diuinis irrogata, vetamus Hebdomadariis,  
& Clericis Cōfratribus cuiusvis ecclesiæ subiectæ Nobis  
substituere, & distributionum participes haberi, quæuis de  
facto substituant: nisi speciale ius substituendi ab Apostolica  
sede impetrauerint, aut fuerint aliter legitime impediti. Cel-  
lararii verò, qui nec substituendi ius impetratum, nec legi-  
timum impedimentum habentes participes faciunt, sex au-  
reos toties, quoties faciunt, soluant locis pijs.



*De armorum usu Clericis prohibito .*

I.

**V**Sus armorum prohibitorum quantam Clericis indecē-  
tiam , & quantam atrocibus delictis occasionem offe-  
rat , & videre Prædecessores nostri , & Nos etiam probè vide-  
mus. quapropter iuris remedia de ipsorum exemplo adhibē-  
tes , precipimus , ne quis in posterum audeat asportare , seu  
sibi asportare facere , nec itineris causa, arma etiam laicis  
prohibita , videlicet quę vulgus dicit , *Archibugetti minori di  
tre palmi , pistoni , pugnali , stilletti , coltelli lunghi , o à fronda d'o-  
liua , o alla genovese* sub pœna relegationis per quinquenniū  
pro nobilibus, pro cæteris verò triremium per idem tempus.  
volumus autem his pœnis cōprehendi etiam vicesimo quin-  
to anno minores, dummodo vicesimum annum exceßerint:  
qui verò infra vicesimum extiterint , pœnis arbitrio nostro  
multentur. Qui præter hæc asportauerint, asportariue sibi  
fecerint arma tam offensiva, quàm defensiva, *Archibugi mag-  
giori di tre palmi , o à ruota , o à miccio , spade , mezze spade , cor-  
telle* , aliaue id genus licet vicesimo quinto anno minores ,  
maiores tamen vicesimo pœnam carceris formalis per annū,  
& ipsorum armorum iacturam incurrant . minores vetò vi-  
cesimo & eorundem armorum iactura , & aliis arbitrio no-  
stro pœnis puniantur . Qui demum ex prædictis armorum  
generibus , ea , quæ *di fuoco* appellantur , penes se domi reti-  
nuerint , cuiuscunque ætatis fuerint , aut conditionis , ean-  
dem vt supra iacturam armorum , aliasque pœnas Nobis ar-  
bitrarias ferant . Atque ad huius constitutionis , & statuti  
certos terminos reuocamus , quæ variis Synodalibus decre-  
tis, aut ex hac nostra curia edictis emanatis contra Clericos  
vntes armis sibi prohibitis statuta sunt, respectiue ampliā-  
tes , aut restringentes, aut derogantes, quod nostræ huic vo-  
luntati , mandato , atque in perpetuum valituro præcepto si-  
ue ex toto , siue ex parte repugnare videatur .

I.

**M**eminerint Regulares, processiones extra claustra non ob-  
tenta Ordinarij licentia ipsis esse prohibitas :  
qua de causa, nisi speciale aliquid Sedis Apostolicæ priuile-  
gium suffragetur, caueant id suo iure attentare. nulli ta-  
men siue ij Regulares, siue non Regulares extiterint, pro-  
cessionibus, quas quauis de causa, Nobis vt supra consentiē-  
tibus; peragere eos licebit, lætitiæ, aut maioris celebritatis  
ergo, profanis sacra miscentes, actiones scenicas, etiam sa-  
cras, aliosue lusus interficere audeant, sub pœna interdicti  
pro Regularibus, pro Sæcularibus ad nostrum arbitrium.

II.

**M**onemus eosdem Regulares, vt iuxta Sacre Congre-  
gationis decreta prorsus abstineant ab ingerendo se,  
quouis in munere, quod propriè ad Parochos spectat, no-  
minatim in benedictionibus, alijsue huiusmodi Ecclesiasti-  
cis functionibus, quas Rituale Romanum curam animarum  
habentibus faciendas ritè præscribit.

III.

**C**irca prætensas facultates DD. Abbatis S. Antonij Vien-  
nensis seruentur declarationes Sac. Cōgregationis Cō-  
cilij editæ ad instantiam nostram in vna Neapolitana Iu-  
risdictionis, cuius exemplar ad perpetuam rei memoriam  
hoc loco subiicitur.

Infrascriptas dubitationes circa prætensas facultates, & in-  
risdictionem Abbatis Commendatarij S. Antonij Viennē-  
nensis nuncupati Ciuitatis Neapolis ab hac sacra Congre-  
gatione definiri supplicauit Eminentissimus Archiepiscopus  
Neapolitanus, videlicet.

An liceat dicto Abbati dimissorias suis prætensis subditis sæ-  
cularibus concedere: ita vt illas obtinentes tam minores,  
quàm

quàm sacros ordines suscipere, vel respectiue in ordinibus  
inscriptis ministrare licitè valeant?

Quatenus non liceat: an saltem ad effectus præmissos requi-  
rantur eiusdem Abbatis literæ testimoniales.

An Clerici, seu Præsbyteri sæculares, qui obtinent ab eodẽ  
Abbate literas parentes, seu commissionales ipsarum li-  
terarum vigore ab Ordinarij iurisdictione sint exempti?

Die 1. Decembris 1668. Sacra Congregatio Eminentissimo-  
rum S. R. E. Cardinalium Concilij Tridentini interpretũ  
auditis ijs, quæ à præfato Abbate fuerunt per suas literas  
deducta, ad singulas præmissas dubitationes negatiue res-  
pondit.

### *De Monialibus.*

#### I.

**R**egularibus, quibus Monasteria Monialium curæ sunt,  
in memoriam reuocari volumus, qua D. N. fel. rec.  
Alexander Papa VII. verborum expressione, ac pondere in  
vna speciali constitutione sua, anno 1664. hac de re edita,  
præscribit superioribus, & confessoribus earundem Monia-  
lium, quomodo, & quando liceat, ingredi eos septa Mona-  
sterij, & prope illud commorari. cumquẽ horum obseruã-  
tia nobis specialiter committatur, & res ipsa vtpote grauissi-  
mi momenti diligentem executionem per se postulet, ino-  
nemus eosdem Regulares sedulò, ne in tam graui negotio  
religiosa ipsorum obedientia dẽsideretur, præstentquẽ sic  
omnia abunde, vt nihil Nobis curæ de ipsorum negligentia  
debeat accedere.

#### II.

**Q**uo tempore Cõfessor extraordinarius Monasterijs Mo-  
nialium datur, cumquẽ his agit, vt liberius agat, pos-  
sintquẽ ad eum Moniales sine vlla offensione accedere, or-  
dinarius, nisi fuerit specialiter, & nominatim vocatus, ibidẽ  
confessiones non audiat. contra verò extraordinarius con-  
cessus

cessus in determinatum tempus, V. G. in dies 15- intelligat eos dies accipiendos esse continuos à die datę facultatis vsq; dum absoluantur, ita vt illis elapsis licentiam expirasse intelligatur.

### III.

**D**E disciplina, sanctaque institutione Monialium, quoniam Sacrarum Congregationum, & Prędecessorum, nostrorum decretis inherentes, per duo edicta nostra ad easdem Moniales directa, abunde iam egisse visi sumus; vt eorum tamen obseruantia vigeat magis, magisque præ manibus sint, eadem hic inferimus de verbo ad verbum, omnimodam eorundem executionem prædictis Monialibus paternè iniungentes.

#### *Primum Edictum.*

##### I.

**C**um ex recenti Visitatione nostra, siue etiam aliunde, non sine graui animi dolore acceperimus, in monasteria Monialium sensim abusus quosdam irreperere, regulari obseruantię nimium perniciosos, & qui tam nostrorum Prędecessorum ordinationes identidem emanatas, quàm Synodales constitutiones, inò etiam Sacrarum Congregationum decreta subuertunt, statuimus præsentī edicto huiusmodi malis pro dignitate consulere, pròculdubio sperantes, personas religiosas, & voluntariè dicatas Deo, relaturas fructum aliquem à nostro paterno zelo: maxime si considerauerint, curę nobis esse, quàm minimum, ipsarum conscientias illaqueare multitudinem censurarum: quamuis minuentes pœnas, nihil desiderium, ac sollicitā curam sanctificationis earundem iidem ipsi minuimus.

Primum itaque præcipimus, vt quoties contigerit, ingredi cum debita licentia septa monasterij exterarum personas, cuiuscunque status, aut conditionis extiterint, associentur à tribus, aut saltem duabus Monialibus maturioribus, quę

ue

ue inter se primi, aut secundi gradus necessitate coniunctæ non fuerint; istæ verò à totius Monasterij Moderatrice ad hoc munus eligantur: eademquè consideret, vt saltem quadragesimum annum attigerint. iniungitur autẽ perfecta huius ordinationis executio Abbatissis, alijsue totius Monasterij Gubernatricibus, quæ si prædicta neglexerint, incurrant pœnam priuationis officij.

Inredientibus exteris prædictis clausuram, Deputatæ statim à Ianitrice accersantur, quæ ingressos non dicant ad alia Monasterij loca, præterquam ad ea, ad quæ ex occurrenti necessitate vocantur: secus facientes, tam ipsæ iantrices, quàm prædictæ comites priuentur voce actiua, & passiva totum annum proximè consequentem.

Volumus districtè obseruari, quod aliàs mandatum est, vt clausuræ fores, data 24. claudantur: aliter ipsæ, ad quas huius mandati executio spectat, priuatæ sint officio, alijsquè arbitrij nostri pœnis sint subiectæ. Insuper renouamus pristinum statutum, vt per æstatem, hoc est, à Kalendis Maijs vsque ad finem ipsius Septembris ab hora meridiana vsque ad vespertas crates colloctionibus destinatæ claudantur, sub iisdem pœnis pro Abbatissis, alijsquè, ad quas spectat, Monasterij Moderatricibus. tametsi, vt in aliquo graui, & raro casu à prædictis Moderatricibus dispensari possit, indulgemus. ipsæ tamen obligabuntur in conscientia, ne tanti ponderis ordinatio in tempore, multum periculoso, vbi non postulet districta necessitas, temerè relaxetur.

Quæ à rota, vel ianua sunt, siue aliæ quæcunque Moniales seruent omnino, quod toties decretis Synodalibus, quin etiam sacræ Congregationis iussu, prouisum est, ne intra clausuram pueri, aut puellæ etiam ante septennium admittantur sub pœna excommunicationis latæ sententiæ.

Ex antiquo iure obseruari debet exactè, ne Abbatissæ, aliæue toti Monasterio præsidentes, præstiant ianuis, aut rotis Moniales quadragesimum annum non dum agentibus istis ipsis iniungimus, vt diligenter obseruent accedentes ad colloquendum cum Monialibus, intelligantquè, num habent iisdem debitam facultatem à Monialium Vicario subscriptam sub priuatione officij, & accessus ad rotas

tas

tas , crates , & portas toto integro mense .

Quamuis multoties vetita grauissimè fuerit collocutio à cratibus , confessionalibus , & communicatorijs Ecclesiæ : tamen non sine graui dolore nostro accipimus , in quibuscumque Monasterijs hoc impune violari . propter hæc sub pœna excommunicationis ipso facto incurrenda reservata Nobis , & priuationis vocis actiue , & passiuæ , præcipimus , vt nulla in posterum Monialis , aut alia quæuis in Monasterijs commorans , viros alloquatur à prædictis locis , nisi fuerint ædituæ in rebus ad Sacrarij dumtaxat vsum spectantibus , nec alia de causâ , cum solo ædituo , aut clericis Ecclesiæ , horis ad hoc deputatis , quæ secundum antiquas leges sunt tempus matutinum , quo missæ celebrantur , aut à prandio ex festi alicuius occasione . sed extra hæc tempora clauis erunt penes Moderatricem ex aliâ à nostro Prædecessore præscriptis , specialissimè anno 1651. die 19. Octobris .

Inter dies festos ex quauis occasione in Ecclesia celebratos , nullatenus ibi dispensentur dulciaria , fructus , portiones congelatæ , sorbitiunculæ , cocolatæ , aliaue talia , sub pœna interdicti Ecclesiæ ipso facto , alijsque pro voluntate nostrâ aduersus delinquentes .

Educandæ mox nupturæ sponsores suos non alloquantur sine speciali tories quoties licentia à Nobis , aut Vicario Monialium subscripta , quæ solum concedetur ob grauissimas causas . vbi verò sic concedetur , accedant ipsæ modeste indutæ sine cultu superfluo , sine vultu pigmentis illito , semper in conspectu Magistrarum suarum , quæ nunquam solas , ac sine arbitro relinquant : quod si transgressæ , id fuerint , duos ipsos menses integros consequentes ad crates non accedant , & tam Abbatissæ , quam Magistræ priuentur officio .

Cum festiuitas aliqua celebranda erit , ædituæ , aut aliæ Prælatæ curam eius alij , quam ædituis , clericisque ordinarijs ne comittant : qui tamen nullo modo in Ecclesijs pernoctent , nisi de licentia speciali , & scripta Vicarij nostri Monialium fuerit persona aliqua prouectæ ætatis : proque eo tempore , cum nox erit , crates , confessionalia , communicatoria sint obserata clauibus , & hæc penes Abbatissam :  
alifcr

aliter tam ipsæ, quàm ædituę priuabuntur officio, alijsq; pro arbitrio nostro afficientur pœnis.

**A**bbatissæ, Priorissæ, & Ædituæ Monasteriorum nostræ iurisdictioni subiectorum, ne audeant in suis Ecclesijs alios dies festos solenniter celebrare, præter quam duos iam sæpius constitutos, hoc est, fundatoris totius ordinis, & tituli Ecclesiæ sub pœna priuationis officij ipso facto, alijsq; ex nostro arbitrio: in quas pariter pœnas eadem incurrant, si in suis Ecclesijs permittent alijs Sacerdotibus, quàm ordinarijs, tam in prædictis festiuitatibus, quàm quocunq; alio die sacrum facere sine licentia nostra, aut nostri Vicarii Monialium.

**Q**uoniam nouimus à superuacaneis expensis, quæ in Monasterijs fiunt, grauissima damna proficisci, tum ob violationē religiosæ paupertatis, tum etiam quia ex occasione inter ipsas Moniales fouentur æmulationes, siue etiam alia non pauca mala proueniunt, renouamus pluries latas à nostris Prædecessoribus leges, ac præcipimus, ne expensæ istæ superflue fiant, nullius officij causa, siue sit sacrii, siue valetudinarij, siue donarij cuiuspiam, quod ipsæ officiales ex inducto quodam vsu priuato nomine communitati largiuntur. proinde nolumus, prædictas expendere vltra summam, quam ferunt vnus anni vitalitia: quæ si expensis faciendis paria non sunt, consulant Nos, vt eo modo, qui Nobis ad præfata mala euitanda videbitur aprior, facultatem impertiamur.

**A** nulla Moniali educanda, aut alia quauis in Monasterijs commorante, canes, & catulæ habeantur: quod sub pœna excommunicationis Prædecessores nostri multo antea iusserunt.

**M**oniales Professæ, ne pernoctaturas admittant in suis cellis alias Moniales, aut nouitias, aliasquæ adolescentulas, aut educandas decimum annum superantes, etiam si arctissimo cognationis vinculo iungerentur, sub pœna excommunicationis latæ sententiæ. ita videtur Nobis opportunū, nostrorum Prædecessorum quoad hoc statuta renouare, si qua parte ab exacta sua obseruantia deciderint: quo id etiam sequemur, quod Sacra Congregatio iam ante præscripsit. Neque tantummodo prædictæ in talem pœnam incur-

intrent, sed etiam ipſe Notitiarum, aut Educandarum Magiſtræ, quę id permittent.

Denique hortamur, rogamuſquē Moniales omnes, & quācunque aliam in Monasterio degentem, vt ſeriō cogitent, quā arcto iure teneantur, ne in ijs locis ſcandalum faciant, in quibus elegit Deus, ſanctificare ſibi cęleſtes Sponſas: vt proinde quā dedecet ipſas in diſſolutos ſecularium mores tranſire. Insuper Moderatricibus omnibus impenſe commendamus, vt inceſſanter harum ordinationum, quas paterno zelo, & diuturna conſideratione maturauimus, exacte obſeruantię inuigilent. Atque vt omnes conuenientem earum notitiam habeant, preſens ediſtum maneat in aliquo loco publico continenter afixum, vnde legi ſemper commodę poſſit à quauis, quę ipſum legere voluerit: datum in Archiepiſcopali Palatio. die 27. Maij 1668.

### *Alterum Ediſtum.*

**I**Nter grauioreſ, quę nos in hoc noſtro Paſtorali officio premunt, ſollicitudineſ, nulla maior, quā vigilans cuſtodia Monasteriorum, quę ſicut electa à Deo ſunt in ſacroſancta Sanctuaria Virginum Sponſarum ſuarum, ita, quotidie ab inſidiſo Satana oppugnantur, qui nititur inferre latenter multos profaneſ abuſus, & à regulari obſeruantia diſſonoſ, opera extraneorum, qui multarū cauſarum ſpecie cum Monialibus, alijsnē Monasteria habentibus, conſuetudinem aucupantur. propterea omni nos conatu imminentibus malis providere volenteſ, neceſſarium duximus, ediſtum ſerre, in quo, quę ſunt magis neceſſaria, præcipimus, innouanteſ plerunque veteres ordinationeſ multoties à noſtris Prædeceſſoribus lateſ, imò ex parte à ſacris Congregationibus præſcriptaſ.

Nemo ſine noſtra, aut Vicarij noſtri Monialium licentia, audeat ad Monasteria accedere, vt ibi cum Monialibus, aut educandis, aut alijs ibidem commorantibus colloquatur ſub pœna excommunicationiſ late ſententię Nobis reſervatę

De



**De mandato Sacre Congregationis Episcoporum, & Regularium ad nostrum Prædecessorem directo vsque ab anno 1643. die 28. Augusti nemo ingredi audeat Monasteria, subdita Regularibus, nisi insuper habeat Vicarij nostri Monialium manu subscriptam licentiam: aliter declarabitur, incurrisse censuras Sedi Apostolicæ reseruatæ, quemadmodum is incurrit, qui sine debita licentia ingreditur in Monasteria: & ad declarationem talium censurarum, contra eum procedetur.**

**Cum interdum humana nequitia eò perueniat, vt audeat vel le satanicis inuentis Sacrarum Deo Virginum templa polluerè: volumus excommunicationi latæ sententiæ Nobis reseruati non solum subiacerè eos, qui cum Monialibus, Educandis &c. obscœna loquuntur: sed etiam qui mittunt, aut ferunt iisdem habitantibus in Monasterijs literas, aut mandata parum honesta: pariterque eos, qui à vicinis locis auferint iisdem nutus, salutationes, aliaque familiaritatis signa exhibere.**

**Confessarij Ordinarij completo ipforum triennio, nullatenus, nisi altero triennio elapso, præsumant accedere ad Monasterium, in quo confessiones audierunt, neque vt missam celebrent, neque vt confessiones audiant, neque vt colloquantur, aut de alia quauis re à cratibus agant sub poena suspensionis ipso facto tam à confessionibus excipiendis, quàm à Missis celebrandis, subque alijs corporalibus pœnis arbitrio nostro.**

**Nullus seu Sæcularis, seu Regularis Sacerdos accedere vlllo tempore audeat, ne occasione quidem festiuitatis, ad missas celebrandas in ecclesijs Monialium subditarum iurisdictioni nostræ absque licentia prius in scriptis obtenta à Vicario Monialium, sub poena suspensionis ipso facto, alijsequè pro nostro arbitrio.**

**Iidem Confessores monialium tam ordinarij, quam extraordinarij non audeant, quo tempore funguntur officio, siue illo iam absoluto, accipere sub pretextu aliquo priuatim à Monialibus donum, seu cuiusvis generis munus, etiam titulo caritatis, aut elemosynæ pro missis, pro quibus nihil accipiant vltra carolenos duos: sicut in decretis quoque Synodalibus die 18. Iunij 1642. mandatum fuit, sed**

**E**

**fatis**

fatis erit, eos accipere, quod à totius Monasterij Moderatrice publico nomine mittetur: secus facientes, subiaceant pœnæ suspensionis ipso facto.

Nemo virorum, etsi facultatem habeat alloquendi Moniales, aut educandas, aut alias in Monasterio commorantes, alloquatur eas à cratibus ecclesiæ; à communicatorijs, confessionalibus, aut rôtis ibidem positis sub pœna excommunicationis ipso facto nobis reservatæ. Sacristæ tamen, aut Clerici, quibus prædicta loca loqui necesse fuerit, ad solum poterunt, quo tempore missæ celebrantur, siue etiam per diem occasione solemnitatis, de ijs tantum rebus, quæ ad ipsorum munus spectant; & breui spatio sub eadem excommunicationis pœna, alijsque ad nostrum arbitrium.

Obseruetur, quod iussum multoties fuit iuxta Sacre Congregationis Episcoporum, & Regularium decreta pro alijs temporibus edita, ne Musicæ Magistri accedant ad crates docturi Moniales, aut educandas sonum, tantumque præsertim figuratum, aliter prædicti Magistri incurrant ipso facto excommunicationem, si laici fuerint: sin autem clerici, pœnam semestris carceris formalis præter alias reservatas arbitrio nostro.

Similiter sub pœna excommunicationis latæ sententiæ omnibus prohibemus accessum ad audiendum Moniales, vel educandas à cratibus pulsantes, vel canentes.

Nemo virorum ingrediatur locum, in quo foeminae cum Monialibus colloquuntur, sub pœna excommunicationis latæ sententiæ.

Nullus licet aditus, aut Clericus Ecclesiarum Monialium audeat in prædictis Ecclesijs pernoctare ex festiuitatis, aut necessitatis alterius occasione, sub pœna in Clericos carceris formalis sex menses, alijsque arbitrio nostro, in laicos excommunicationis latæ sententiæ Nobis reservatæ.

Dat. Neap. in Archiepiscopali Palatio die 20. Maij 1668.

*De Vespillonibus, seu funeraloribus.*

**V**espillonum, seu funeralorum auaritia, dum summas excedentes prodeportandis, tumulandisque fidelium cadaueribus ad ipsorum beneplacitum extorquent, magno Christianæ plebi scandalo, offensionis, atque impendio est: quæ nostri gregis non mediocria ex aliena peruerfitate incommoda tollere cupientes, re cum petitis æstimatoribus communicata, ac benè perpenfa, pro illorum officio, labore, iuribusque omnibus fequentem taxam, præfcribimus, excommunicationi eos fubijcientes ipfo facto, fi fupra eam quicquam non fponfe, & per fe ab ipfa parte oblatum acceperint.

Igitur pro deportatione, ac tumulatione cadaueris intra Parochiam foluantur ipsis caroleni decem. Extra Parochiã in vnus milliaris diftantia viginti, ita vt ex hac fuma, detrahendum, aut addendum fit, fecundum diftantiam, additam, aut detractam milliari. Si verò funeralia non ætarno tempore fieri contingat, fex refpectiue caroleni fuperaddantur. fi defcendere eos in ipfum fepulcrũ oporteat, pro qualitate periculi, & fecundum prudentem Cellararij æftimationem aliquid amplius detur.

Cum loculum ipsi, & culcitram locant, fi vilioris materiæ ea fuerint, fex carolenos accipiant: fi de villofo ferico, quindecim: fi de auro, vel argento textili, etiam viginti. Sed cum vnã dumtaxat culcitram, aut vnum loculum commodant, dimidium prædicti lucri reportent.

Pro locatione argenteæ crucis carolenos duos, coronæ argenteæ vnum accipiant.

Sed cum faciendæ funt exequiæ pauperum, hortamur eofdẽ funeralores, vt memores Chriftianæ pietatis exhibeant gratis illam operam, quam IESVS CHRISTVS minimis fuis factam, vt fibi ipsi factam agnofcit.

Quod fi prædictæ conuenienti fumme acquiefcere nolentes, vltra eam quidpiam petierint, cellararij teneantur aduocare alios quofcunque, etiam fi de illorum genere, ac munere non fint, fub pœna decem aureorum foluendorum locis pijs.

**I**nsuper obseruent prædicti funeratores, quod in visitatione anni 1635. die 19. Nou. statutū fuit, ne sine licentia expressa Parochi, aut Cellararij, feretrum ipsi ad defuncti domum ferant: aliter excommunicentur, & à funerandi munere in perpetuum repellantur.

Ipsi verò Parochi, curent, vt feretrum, aliaue pro exequijs necessaria apud se sint, vt renuentibus illis pro taxa præfixita locare operam suam, possint ad id munus alios aliunde pro suo arbitrio conducere.

### *De Concubinarijs.*

#### I.

**C**oncubenarios, publicam Christianæ Plebis offensionē, & scandalum pro ea, quam dedit Dominus Nobis, sollicitudine Ecclesiæ nostræ, omni opera, atque incessanti studio laborantes, extirpandos curauimus, & nunc quoque in præsentia curamus. cumque, Deo adiuuante, multi inueterati dierum malorum, diuturnaue concupiscētia illecti ad torrentem diuinæ voluptatis, posthabito cœnoso carnis, opportunè se reuocauerint: vt. his, alijsue, talibus in posterum maturiùs consulatur, de paterna benignitate ijs indulgemus, vt nimirum facta reali separatione & tori, & domus absolutionem possint obtinere, etiā si per bimestre tantum se continuerint, abrogato rursus antiquo iure quadrimestris separationis.

#### II.

**S**i euentu aliquo inducta fuerit physica, vel etiam moralis impotentia recidendi: aut si proximè sacro se matrimonio sint copulaturi, idque certò, aut saltem valde probabiliter constet, arbitrio prudentis Confessarij, si sint quoad reliqua ritè dispositi, neque aliquo alio impedimento prohibeantur, vt etiam ante hoc bimestre tempus sacra-

cramentaliter absolui possint, non obstante quouis contrario iure, benignè concedimus.

### *De Foro Iudiciali.*

#### **I.**

**N**emo Clericorum sine bona venia nostra in seculari iudicio compareat: multò minus expostulationes, seu querelas agat, qui vtrumque, aut alterutrum violare præsumperit, nostro arbitrato punitur.

#### **II.**

**Q**uà per alias Synodales constitutiones decretum fuit, Apochas bancorum contra personas Ecclesiasticas habere executionem paratam, dummodo non excedant summam ducatorum 50. (quam nunc nos summam iustis de causis nouo iure vsque ad ducatorum centum extendimus) non desunt creditores, qui in fraudem huius statuti diuidunt ipsi summam excedentem, & pro diuisione ab ipsis facta petunt sibi velut ex iure nostro paratam executionem. Nos vt fraudes, ac lites omnes præcidamus (quod etiam in alia Diocesana Synodo factum est) similiter declaramus, atque decernimus, his diuisionibus à Creditore factis non competere executionem extraordinariam, sed vt in alijs omnibus litijs excedentibus procedendū esse ordinariè, & prout de iure: quæ decreta, eorumque moderationes, seu limitationes ampliata iam ad literas cambij protestatas, nos quoque ampliamus, eandem viā executiuam tantum in credito, vt supra extenso ducatorum centum, huiusmodi literis cambij contra personas Ecclesiasticas concedentes.

**Innicus Card. Caracciolus Archiepisc. Neap.**

**L**ectione Decretorum completa petiitum à Synodo est,  
an ea placerent? & placere sibi ea decreta Synodus vni-  
uersa respondit. quare ad Cleri vocationem proceditur: pro  
hac autem sic promotor instabat:

*Eminentiss. ac Reuerendiss. Pater, & Domine.*

**S**ancitum à Generalibus Concilijs, specialiter à Triden-  
tino est, si, qui de iure, aut consuetudine, etiam si quo-  
ad cetera exempti Diocœsanæ Synodo interesse tenentur,  
actu pro tempore non interfuerint, vt pœnis à sacris Cano-  
nibus decretis, tanquam in re satis graui negligentes pro cul-  
pæ dignitate puniantur. vt igitur qui hactenus inobedien-  
tes fuerint, fuisse deprehendantur, ego Nicolaus Gilibertus  
Canonicus Neapolitanus huius Synodi Promotor peto hu-  
militer Eminentiam tuam, vt velit iubeat, clerum omnem  
de more vocari. Tum respondit Eminentissimus: Volu-  
mus iubemus: totusque Clerus Cursoris voce eo, qui sequi-  
tur, ordine vocatus est.

**A**bbas S. Maria ad Cappellam.  
Abbas insula Prochyta.

Abbas S. Georgij Maioris, Curatus, Hebdomadarij, & Beneficiati.

Abbas S. Mariae ad Plateam, Curatus, Prasbyteri Cōfratres, & Benef.

Abbas S. Pauli Maioris, Prasbyteri Confratres, & Beneficiati.

Abbas S. Martini Maioris, Curatus, Hebdomadarij, & Beneficiati.

Abbas S. Mariae de Patientia Caserta.

Parochus Ecclesia Metropolitana.

ReCTOR S. Ioannis Maioris, Curatus, Hebdomadarij, Prasbyteri Con-  
fratres, & Beneficiati.

ReCTOR S. Mariae in Cosmedin, Curatus, Hebdomadarij, Prasbyteri Con-  
fratres, & Beneficiati.

ReCTOR S. Agnelli Maioris, Curatus, Prasb. Confratres, & Beneficiati.

ReCTOR S. Mariae de Rotunda, Curatus, Prasbyteri Confratres, & Benef.

ReCTOR Curatus S. Thomae ad Capuanam, Prasbyteri Confr. & Benef.

ReCTOR Curatus S. Mariae ad Cancellum, Prasbyteri Confr. & Benefic.

ReCTOR Curatus S. Angeli ad Signum, Prasbyteri Confr. & Beneficiati.

ReCTOR Curatus S. Ianuarij ad Viminum, Prasb. Confr. & Beneficiati.

Pa-

*Parochus S. Archangeli Armerlorum, Presb. Confr. & Beneficiati.*  
*Reſtor S. Ioannis ad Portam, Curatus, presb. Confr. & Beneficiati.*  
*Reſtor S. Ioannis ad Curtim, Curatus, presb. Confratres, & Beneficiati.*  
*Reſtor Curatus S. Maria de Scala. Reſtor Curatus s. Sophia.*  
*Parochus S. Eligij Maioris. parochus s. Catarina in foro Magno.*  
*parochus S. Anna de Palatio. parochus s. Maria Ineoronatella.*  
*parochus S. Maria Omnium Gratiarū. Parochus s. Iacobi Itatorum.*  
*parochus S. Ioseph Maioris. parochus s. Maria de Charitate.*  
*parochus ss. Francisci, & Matthai. parochus s. Marci.*  
*parochus s. Maria de Catena. parochus s. Maria ad Nives.*  
*parochus Omnium Sanctorum.*  
*parochus s. Michaelis Archangeli ad Arenam.*  
*parochus ss. Ioannis, & Pauli. parochus s. Maria Aduocata.*  
*parochus s. Maria Virginum. parochus s. Strati Villa Pausilypi.*  
*parochus s. Maria de Succursu Villa Arenelle.*  
*parochus s. Maria Gratiarum Capitis Montis.*  
*parochus Sanctiſſimæ Annunciationis ad Fonsecam.*  
*Sacriſta Curatus Sanctiſſimæ Annunciationis.*  
*Cappellanus Curatus s. Ioannis Florentinorum.*  
*Cappellanus Curatus s. Georgij Genuensium.*  
*Reſtor Præpoſitus PP. s. Brigitta in via Toleti.*  
*Archipreſbyter Capitis Montis. parochus Piſcinola.*  
*parochus Caluizzani. parochus Polueca. parochus Marani.*  
*parochus Paniscocoli. parochus Marianella. parochus Meliti.*  
*parochus Miani. parochus Mugnani. parochus Cbiaiani.*  
*Archipreſbyter Afragola. parochus s. Georgij Afragola.*  
*parochus s. Marci Afragola. parochus s. Marci Caſoria.*  
*parochus Arzani. parochus Caſauatoris. parochus Secondigliani.*  
*parochus s. Petri ad Paternum. parochus Caſalis noni.*  
*Archipreſbyter Turris Oſſana. parochus Turris Oſſana.*  
*parochus Barra. parochus Reſina. parochus Porticus.*  
*parochus s. Georgij ad Cremanum. parochus s. Sebaſtiani.*  
*parochus Trochię. parochus Maſſa de Summa.*  
*parochus s. Ioannis ad Teduccium. parochus Pollena.*  
*parochus Ponticelli. parochus s. Maria Gratiarum de Boſco.*  
*parochus Sanctiſſimæ Annunciationis de Boſco.*  
*parochus s. Anna de Boſco. parochus Spiritus ſancti de Boſco.*  
*Vicarius Curatus perpetuus Inſule Prochyte.*  
*Reſtor s. Nicolai ad Don Petrum, Confratres, & Beneficiati.*

Re-

Rector s. Georgij in foro veteri, Confratres, & Beneficiati.  
 Rector Sanctissimorum Apostolorum, Confratres, & Beneficiati.  
 Rector S. Ianuarij vulgò à spoglia morti, Confratres, & Beneficiati.  
 Rector s. Martini ad Capuanam, Confratres, & Beneficiati.  
 Rector s. Christophori ad Capuanam, Confratres, & Beneficiati.  
 Rector, & Beneficiati s. Agatha ad Capuanam.  
 Rector ss. Petri, & Pauli Gracorum.  
 Rector s. Demetrii.  
 Rector s. Marię ad Secula, Confratres, & Beneficiati.  
 Rector, & Beneficiati s. Simonis in foro veteri.  
 Rector, & Beneficiati s. Petri ad Aemeliam.  
 Rector, & Beneficiati s. Nicolai Sciallorum.  
 Rector, & Beneficiati s. Marci Lanzeriorum.  
 Rector, & Beneficiati ss. Ciri, & Ioannis.  
 Rector s. Crucis Ferri veteris.  
 Rector, & Beneficiati ss. Lucia, Euphemie, & Geminiani.  
 Rector, & Beneficiati s. Marię ad Herculem.  
 Rector, & Beneficiati s. Marię de Lucciola.  
 Rector, Confratres, & Beneficiati s. Andrea ad Nidum.  
 Rector, & Beneficiati s. Pauli ad Capuanam.  
 Rector, & Beneficiati s. Catharina Spinea Corona.  
 Rector Pietatis Sangrorum.  
 Rector, & Beneficiati s. Margarita in Sedili Portus.  
 Rector, & Beneficiati s. Maria de Rosa.  
 Rector s. Seneri extra mania.  
 Rector s. Marię ad Mare.  
 Rector, & Beneficiati s. Marię vulgò di Buon camino.  
 Rector, & Beneficiati s. Petri ad Fusarellum.  
 Rector Animarum Purgatorij.  
 Rector ss. Ioannis, & Pauli de Montanea.  
 Rector s. Honuphrij ad Capuanam.  
 Rector s. Petri de Bassacena.  
 Rector s. Iulianeſſe.  
 Rector Pietatis Turchinorum.  
 Rector Pauperum Iesu Christi.  
 Rector s. Viti in Iudaea.  
 Rector s. Caroli in Burgo Virginum.  
 Rector s. Maria Caracciolorum à Scassatocchi.  
 Rector s. Lucia in Burgo s. Antonij.

Rector



*Refector s. Palma.*

*Refector s. Agatha Aurifabrorum.*

*Refector s. Andrea Scopariorum.*

*Refector s. Marię ad Porchianum.*

*Sacrista Ecclesia Metropolitana.*

*Sacrista Ecclesia s. Restituta.*

*Sacrista s. Eligij Maioris.*

*Sacrista s. Maria de Constantinopoli.*

*Sacrista Incurvabiliū.*

*Sacrista s. Iacobi Hispanorum.*

*Sacrista Spiritus sancti.*

*Sacrista Incononata.*

*Sacrista s. Ioannis ad Mare.*

*Sacrista s. Marię de Patientia Cesarea.*

*Sacrista s. Ianuarij extrā mœnia.*

*Sacrista s. Angeli ad Nidum.*

*Sacrista s. Antonij de Vienna.*

*Sacrista Sanctissimę Trinitatis Peregrinorum.*

*Sacrista s. Maria de Solitaria.*

*Sacrista s. Anna Lombardorum.*

*Sacrista Misericordia.*

*Sacrista Refugij.*

*Sacrista s. Georgij Genuensium.*

*Sacrista s. Ioannis Florentinorum.*

*Sacrista s. Margarita ad Fonsecam.*

*Sacrista s. Nicolai Maioris.*

*Sacrista s. Maria Visita pauperum.*

*Sacrista s. Ioseph Maioris.*

*Sacrista s. Maria de Cellara.*

*Sacrista s. Maria de Pignatellis in Sedili Nidi.*

*Sacrista s. Maria Meschinorum.*

*Sacrista s. Agnelli de Grassis.*

*Sacrista s. Maria Gratiarum in Petra Piscium.*

*Sacrista s. Maria Gratiarum in Paludibus.*

*Sacrista s. Stephani alli Mandesi.*

*Sacrista sanctorum Crispini, & Crispiniani.*

*Sacrista sanctorum Philippi, & Iacobi Parrictariorum.*

*Sacrista sanctorum Philippi, & Iacobi in via Bibliopolarum.*

*Sacrista s. Maria de Libera.*

**Sacri-**

*Sacrista s. Maria de Vittoria .*  
*sacrista s. Iacobi alla Sellaria .*  
*sacrista s. Mariae della Grande .*  
*sacrista s. Bonifacij .*  
*sacrista s. Clementis .*  
*sacrista s. Thomæ Cantuariensis .*  
*sacrista sanctissimi Saluatoris de Pianellari .*  
*sacrista s. Christophori .*  
*sacrista s. Marię de Candelora .*  
*sacrista s. Blasii in Plmo .*  
*sacrista s. Blasii in Iudæa .*  
*sacrista s. Iacobi delli Panettieri .*  
*sacrista s. Matthęi in Lanuario .*  
*sacrista s. Alexij in Lanuario .*  
*sacrista s. Maria Gratiarum in horto Comitum .*  
*sacrista sanctorum Gosmę , & Damiani alli Banchi nuoni .*  
*sacrista s. Maria Gratiarum Artis Lana .*  
*sacrista Pietatis s. Ioannis ad Carbonarium .*  
*sacrista s. Petri ad Vincula .*  
*sacrista s. Honuphrij Senum .*  
*sacrista s. Ioannis in Maritima Vini .*  
*sacrista s. Maria de Portu Saluo .*  
*sacrista s. Marię de Pilerio .*  
*sacrista s. Iuliani .*  
*sacrista s. Martha .*  
*sacrista s. Marię Gratiarum alla Zabattaria .*  
*Cappellanus Beneficiatus s. Marię Martyrum in Ecclesia s. Marię de*  
*Planctu Cryptę Vespertilionum .*  
*Beneficiati omnes Ciuitatis , & Diœcesis .*  
 Peracta, vt dictum est, Cleri vocatione, Promotor, absentiu  
 contumacia accusata, sic pro eorundem punitione instat .

*Eminentiss. ac Reuerendiss. Pater, & Domine .*

**E**X ijs, qui iuxta sacrorum Canonum dispositionem Diœ-  
 cesanæ Synodo interesse debent, multi nullo iure excu-  
 sati desiderantur. ideo ego Nicolaus Gilibertus Canonicus  
 Neapolitanus huius Synodi Promotor Eminentiam tuam  
 instat,

instante rogo, vt hos ipsos perinde vt inobedientes, & contumaces pœnis per eisdem sacros Canones constitutis multandos decernat.

Respondit Eminentissimus: Multandos decernimus, & mandamus. Deinde facta est noua instantia pro Synodi conclusionem in hunc modum:

*Eminentiss. ac Reuerendiss. Pater, & Domine.*

**O**Mnibus iam Deo adiuuante peractis, atque ad finem præstutum feliciter adductis, illud ab Eminentia, Tuâ ego Nicolaus Gilibertus Canonicus Neapolitanus huius Synodi Promotor humillimè peto, atque obsecro, vt, si videbitur, ac libuerit, Synodum concludat, & cum paterna benedictione ad propria dimittat.

Hic Secretarius ad thronum accedens accepit ab Eminentissimo, acceptumque de consueto loco perlegit

### *Decretum de Dimissione Synodi.*

**A**D Laudem Dei Omnipotentis, ac Beatissimæ Virginis Deiparæ MARIÆ, Patronorum Ianuarij, Agnelli, & aliorum omnium Sanctorum, Sanctarumque Synodum dimissam decernimus, cunctisque ad proprias Ecclesias esse redeundum. Sed redeuntes vos impensè hortamur, &, qua maiore cura possumus, admonemus, vt renouato spiritu mentis vestræ, aucto studio disciplinæ, moribus ad formam vestri genere dignam exactè restitutis, videat Populus Cristianus non institui frustra in Ecclesia Synodos, sed ab ijs religionem, ac sanctitatem omnem sua incrementa suscipere. ita, quæ vestra laus propria est, non sub modio, sed super candelabrum lucernæ ardentes, & lucentes positi, omnibus, qui in domo, hoc est, in Ecclesia sancta sunt, exemplo, & doctrina lucebitis,

Restabat illud vnum, vt horum, quæ tribus hisce sessionibus acta sunt, publicum instrumentum à Notario Synodi conficeretur. idcirco Promotor ante Eminentissimum si postremò instat.

*Emi-*

*Eminentiss. ac Reuerendiss. Domine.*

**V**T eorum, quæ diuina auxiliante gratia in hac Neapolitana Synodo, præsidente Eminentia Tua, ad Dei Omnipotentis honorem, & salutem animarum acta sunt, legitimum, ac firmum testimonium in omne tēpus permaneat, ego Nicolaus Gilibertus Canonicus Neapolitanus huius Synodi Promotor humillimè precor, vt velit, ac mandet Eminentia Tua Vincentio Ayera Notario huius eiusdem Synodi, vt publicum, ac solenne de his Synodalibus actionibus tridui spatio peractis, prout moris est, instrumentum ipse conficiat.

Respondit Eminentissimus: Volumus, & mandamus. Itaque Notarius excepit: Conficiam libenter. Et iam Eminentissimus assurrexerat, & ab eodem throno, in quo stabat, incipit Hymnum *Te Deum laudamus*, & Clerus prosequitur. hymno finito Eminentia Sua recitauit preces, vt in Pontificali: benedixit Synodo: publicatæque sunt de more Indulgentiæ. Postremo Diaconus proclamauit, Recedamus cum pace: responsūque, In nomine Christi. Amen.

LAVS DEO!



1408697